



禮拜六 第七

禮拜六第七期小說目錄

窮愁.....葉甸

毒藥案.....柚斧

粉城公主.....漁郎

不倒翁.....覺迷

大錯.....胡寄塵

鄭生.....一鳴

空中墜頭記.....野民

孤鳳操.....息游

五十年前.....瘦腿

香草美人.....小蝶

櫻唇.....常覺

蘸着些兒麻上來.....雙熱

阿松有衰母。曠且醫。賃王家矮屋。未償租值者三月矣。每來索逋。輒哀顏謝。王家人殊弗願。謂更一月。延者我。且駢兩出舍。然後與爾計。所負阿松惶恐。俄思一月期。猶遙阿母殮。餐則且暮。間事必弗能缺。吾且舍遠謀。邇耳。遂啓其甕。甕裂紋如蛛網。探手其中。出青蚨三百。其生計之母財也。持赴餅肆。易餅盈盤。以味且貯於鄉立小學校之側。小學生愛學校。逾於其家朝食。以赴或嫌。不耐則挾資而食於校。見阿松餅羣。喜其甘美。皆樂啖之。故學生之求錢於父母也。恆曰。吾將市阿松餅。迨鈴聲既鳴。學生始課。則阿松之盤已空。累累之餅。還化青蚨。惟數之爲四百益子金矣。以茲所贏。量米衡薪。然後贖母子一日之弗飢。兒童誠可愛。一味天真。惡塵無染。一餅之微。而寓慈善之意焉。小學校星期有假。學生弗集。阿松則携盤而入市。顧所贏殊菲。殊不逮赴校之日。而食慾固弗可遏抑也。乃少少損其母金。於六月中。勉事搏節。更補足之。爲此生涯。亦已周歲矣。

先是阿松服職於絲廠。爲境微裕。於今無如工廠之制。昌於西上。殆如踰淮之橘。遷地弗良。絲廠旋歇業。阿松遂失所依恃。窮愁嗷累。三四月始傳。發之絲廠。有某富人。繼起承辦。一縷希冀。直透心窩。如久病之飲靈藥。海夜之觀明燈也。急投廠中。效毛先生自薦。念廠中工作。皆所素習。具辭以告。

必見甄錄也。然廠中人竟以工滿辭一掬精神，遂墮萬丈之淵。不克自振，後聞今之任工者，非鉅紳所紹介，卽富室所致意，蓋失業之輩，既衆卽求職之途益艱，欲祛其艱，遂不得不乞靈於有力阿松。所識不出里巷，鄙夫豪富階除平生所未履，寧復有爲之解艱難而登衽席者耶？阿松思吾母老矣，且殘廢卽富貴中人，當此將亦自悲衰頹，况於吾母飲食弗周，度其老懷中必有深痛。至戚惟以愛我彌甚，故不我告，並不我咎耳。爲人子者，卽弗言甘旨朝昏餐食，當謀無飢而吾今乃不然，倘以奉養有缺，致促其殘年，一旦不諱，吾罪當入何層地獄耶？遂謀之母將爲負販，沾微利，母大悅。阿松自賦閒柴米所需，均措之鄰右。張家假百，李家借十，情亦大。可憐然俠情高義，往往於貧賤求之。惟貧民窟乃多和藹樂善之人。阿松販餅資本，乃假自對舍潘媪，媪老而寡，爲人縫衽，以自活。一寬厚慈祥之婦人也。

某日晨，阿松夢回，欲起時，榻旁老母亦醒，以室無窗牖，遂如仍在宵夜，光明之澤弗被，寒貧可歎哉。老母傾耳，松榻微聞轉側，以己之弗良於聽也。度人皆聾，則高聲曰：松兒醒耶？今日星期，爾不販於校而販於市，市集較晏，爾可飽睡，連晨早起當欠睡債也。阿松答曰：兒暫醒，旋當復夢。吾母宵眠安耶？今日曉寒滋厲，母僅擁薄被，吾且爲母增煖也。言已，起赴室，隅出敗絮於破篋，色如積灰，且弗鬆。

以之密裹母身。謂曰：請母安眠也。母唯唯應其音。糶糊亡何而邯鄲重步矣。阿松見母入夢，卽弗復。醒念今日新寒，非棉何暖？阿母一櫛春間已敝，不與補綴，何堪着體？此際吾母沈睡，正可爲之修飾。乃引線穿鍼，捧襖以縫手腕，生澀類文人宰割，殊不中繩墨也。忽復停鍼，瞪目向壁，眉額間立呈蹙痕。則自傷生涯慘澹，未審何日始令老母棄此敝衣，易御新製也。

工畢，母襖僅完，補痕重疊，乃重而弗柔，殊不適衰年體。然阿松以爲當聊勝於無也。繼之卽煮粥，伏室隅，破釜側火，纔舉煙彌一室，縷縷折入母鼻。母遂復醒，聞其子析薪聲，知子已起，語曰：我一夢復多時矣。言已欠伸欲起，阿松亟以補襖進曰：兒無狀，弗能令阿母溫飽，銖棉未辦，無計禦寒。此襖敝舊無溫，復請吾母加體，兒罪戾滋重，乞母宥之也。母撫襖覺微異，訝曰：襟袖間破絮纒固累累，今何往乎？阿松曰：兒適補之也。母浩歎曰：爾之奉養可謂盡心，吾雖食貧，詎能責爾世惟財力是尙，溫飽愉樂胥財之媵耳。我家適短，此復無乞憐之門，則凍餒寒苦亦其宜也。幸爾非弱者，猶能以小販自存，非然者以余老病頹軀，當早委泉壤矣。言已淚自瞽目中潛流而出，如伏泉自披，其敝襖棄床而起。阿松悽然歸其釜，側須臾粥熟，盛以盃，待母共餐，餽殊儉，鹽腐一碟而已。阿松思當有以寬母懷者，乃停箸言曰：今歲大有農圃，極豐。昨我糶米，每升廉價三錢，聞肆中人云：後當更廉也。吾儕小

民別無所冀米賤薪廉便云至福此豈非好消息耶母聞之枯顏之上忽呈愉色口喃喃宣佛號不止。

食已阿松攜餅將出母呼曰兒何衣阿松曰御夾衫兒固弗畏寒也母曰兒日以清曉出今後寒日益肆豈亦以夾衫禦之耶吾語爾自今日始日節用度十之三一月之後可得一徹緹袍矣阿松念如今不節猶未得飽若復節之是寒未却而餓且死願不欲違母旨令弗怡則亦漫應之既辭出行長衢狹巷間高聲呼賣然買者殊難適富人嫌其餅價賤而品劣食之足以損大家風範勞動者嫌其餅質薄雖多食亦弗能裹腹而費乃不菲也如遇八九歲兒童牽母衣而不前謂我欲買餅母竟不之叱而遽伸手探錢者則阿松餅售矣然非數數遺也故及午而餅猶未盡念老母此時必將盼我作午炊未售之餅吾當以餐後携之復出念既定遂指其家行口猶呼賣不已一屋之門闔然忽聞一人短衣側帽口噓噓吹樂譜而出招阿松曰若其入此屋主願不少也阿松隨入履一黃堂與卽聞喝雉呼盧之聲出後屋復入之見有十數人者圍據一案目眈眈聚注一盒金錢堆案上光色奇麗散子聲丁然則盒啓而案上金錢頓易其主笑語悔歎之聲蕭然雜作羣見短衣人已招賣餅者入嘆曰入局纔片刻腹已劇飢寶餅兒真解人意也則各取阿松盤餅食之詢其值曰每餅五

錢博者弗携銅幣皆酬以小銀元曰其贏弗必償矣阿松大喜念若輩得失至易些微資財固無足繫其心而吾得之奚啻啓窖藏而獲珍寶今日之晚吾必以之市新棉易母襖中敗絮令老人生奇溫所補亦豈微薄耶遂欣然挾空盤而出未及庭戶警吏十數輩擁入首阻阿松令毋出門博徒瞥見知來逮捕惶恐甚投其博具於地意欲令之無見則無辭可以加罪然警吏豈盲人哉案上金錢亦無暇入於囊徒瞪目視警吏所爲其黠者則反身而走入於後園園牆圯通於隘巷警吏追之逸其三後至者乃弗及遁警吏執其未遁者一一械其雙腕終及阿松阿松辯曰吾賣餅者非博徒也警吏怒以自叱曰爾出入茲地亦豈善類既爲所執何容多辯阿松泣曰吾豈謊哉以吾之貧卽欲博亦弗得公等可以思也家有老母待我舉火若遲歸必令忍餓吾心何安乞速釋我感且無涯矣警吏如弗聞並羣囚牽之以行如牧童之驅羣羊案上金錢亦拘去顧不繫以械而載以囊則其優遇金錢也

賭窟既破全市喧傳羣來聚視博徒何如入市習乃如潮汐阿松東鄰子金榮與焉見阿松亦鐵索卽當伍於罪犯心大異馳赴阿松母所白所見阿松母駭然額上縐紋更添萬疊顛抖言曰金榮哥得無錯認乎阿松佳兒何致此也金榮曰松哥我與朝夕親者惡得錯認其盛餅之盤我尤審憶今

在○一○警○吏○手○中○也○松○母○泣○曰○天○乎○然○則○吾○兒○囚○矣○顧○何○罪○耶○曰○邇○來○禁○博○最○嚴○松○哥○罪○卽○以○博○也○松
 母○急○曰○烏○有○是○吾○兒○豈○博○徒○哉○凡○爲○博○者○皆○貪○惰○奢○夸○之○民○吾○兒○節○儉○甚○以○貧○也○一○文○錢○不○妄○費○寧
 肯○以○盤○餅○之○值○爲○孤○注○豈○久○處○涸○轍○貪○鄙○漸○萌○乃○欲○爲○此○一○擲○以○冀○非○分○耶○松○兒○乎○爾○此○意○乖○矣○言
 已○自○搵○其○淚○旋○問○松○兒○何○時○得○歸○金○榮○曰○久○則○數○載○暫○亦○匝○月○靡○可○期○也○松○母○乃○失○聲○哭○謂○是○真○摧
 我○老○命○矣○我○非○兒○弗○活○今○兒○羈○獄○我○死○辰○臨○矣○哭○聲○轉○哀○達○於○戶○外○潘○媪○聞○之○來○叩○其○故○金○荣○具○告
 之○潘○媪○遂○慰○藉○松○母○令○之○無○哭○懇○金○荣○往○警○署○探○松○消○息○謂○松○哥○決○非○犯○禁○者○當○由○別○情○或○便○得○歸
 也○金○荣○既○行○松○母○泣○仍○弗○止○潘○媪○曰○姊○且○寬○懷○金○荣○歸○時○必○携○良○信○時○已○逾○午○得○無○飢○餓○我○飯○早○熟
 且○有○餘○當○將○來○餉○姊○也○松○母○亟○搖○手○謝○潘○已○反○身○去○出○其○釜○中○飯○來○與○松○母○共○食
 警○署○拘○留○所○戶○禁○森○嚴○不○假○手○錢○神○者○奚○容○探○獄○金○荣○貿○然○以○往○果○見○拒○絕○固○請○守○卒○怒○舉○鎗○欲○擊
 金○荣○乃○走○心○念○阿○松○母○子○情○甚○可○憫○今○遭○此○厄○痛○更○難○言○我○弗○爲○之○助○於○友○誼○爲○未○盡○亦○何○以○對○潘
 媪○之○託○也○正○思○慮○間○忽○憶○友○人○李○某○非○由○警○士○而○擢○升○爲○警○長○者○耶○今○往○懇○之○事○必○濟○遂○訪○李○某○果
 得○一○諾○金○荣○乃○入○獄○阿○松○此○際○方○坐○鐵○窗○下○垂○頭○滿○淚○淚○承○於○手○械○悲○益○難○勝○突○見○金○荣○自○外○至○卽
 慘○然○呼○曰○金○荣○吾○母○知○吾○事○乎○曰○吾○以○君○母○命○來○也○惡○得○弗○知○阿○松○歎○曰○吾○母○愁○懷○何○堪○增○但○天○將

絕○吾○母○子○夫○復○何○言○不○然○禍○害○飛○來○抑○何○適○逢○其○會○耶○因○語○被○逮○之○由○并○謂○頃○已○見○長○官○置○辯○不○得○直○謂○我○盤○空○而○囊○有○小○銀○元○且○身○在○博○場○必○非○販○餅○者○判○爲○苦○力○二○月○期○滿○乃○釋○明○日○便○須○力○作○矣○力○作○吾○所○弗○憚○第○以○冤○得○之○我○心○何○甘○况○我○自○有○生○迄○今○與○母○乃○未○一○日○離○今○母○衰○老○反○離○之○二○月○令○母○念○我○思○我○痛○楚○號○哭○金○榮○乎○我○念○此○肝○腸○摧○裂○矣○我○家○囊○中○素○無○儲○粟○我○一○日○弗○販○卽○一○日○斷○炊○如○今○老○母○殮○餐○將○奈○何○耶○言○已○淚○下○如○綆○糜○金○荣○意○惻○然○旋○慰○之○曰○君○無○悲○君○非○真○干○禁○令○者○冤○當○終○白○吾○將○歸○語○鄰○里○爲○君○謀○之○至○君○老○母○好○善○如○潘○媪○者○必○能○撫○而○周○之○也○阿○松○聆○此○意○忽○有○深○感○念○此○蒼○球○惡○塵○彌○滿○足○之○所○履○祇○有○悲○慘○而○無○愉○樂○惟○幾○家○貧○鄰○賤○里○偏○富○濃○情○渥○意○今○我○一○家○之○戚○而○皆○視○如○共○痛○相○與○扶○助○我○見○富○室○火○起○鄰○人○相○約○弗○援○者○矣○則○我○之○荷○恩○鄉○里○非○悲○慘○中○之○大○愉○樂○耶○因○語○金○荣○乞○爲○我○善○謝○里○人○及○潘○媪○并○告○阿○母○兒○無○所○苦○也○金○荣○去○阿○松○猶○定○睛○凝○視○然○不○自○知○其○何○所○見○蓋○心○煩○意○亂○狀○乃○類○於○癡○聽○窗○外○風○聲○視○半○窗○凍○月○念○阿○母○寒○矣○俄○而○飢○腸○轉○轉○如○熬○煎○念○阿○母○當○亦○飢○矣○獄○底○沈○宵○腦○海○中○益○興○狂○瀾○起○伏○無○已○其○翌○日○乃○工○作○於○罪○犯○之○工○場○金○荣○之○報○命○於○松○母○及○潘○媪○也○謂○得○顯○者○致○意○長○官○松○哥○必○可○卽○出○然○明○日○易○其○辭○矣○蓋○博○徒○十○數○有○貴○介○子○有○碩○腹○賈○拘○禁○之○後○其○家○或○贖○金○或○修○書○以○贖○之○長○官○疾○賭○甚○皆○卻○而○弗○納○謂○若○輩○廢○時○

失業敗德喪財至堪深惡非痛苦之終必弗悛故金榮之謀弗得用焉於是松母愁怨益甚願內自焦灼而莫從致力幸有潘媪時相寬慰且餐時必以飯至得以弗飢

逾十數日松母方坐戶側曝日光取煖其弗聽之耳忽聞足音蹙然至審爲金榮曰榮哥何來金榮曰我將好消息來也松母喜溢眉睫頷手言曰豈松兒已釋歸耶曰唯唯否否曰爾言何指金榮曰今晨我入市聞竊獄博徒已釋其七是何因緣則每人繳罰金兩銀元也始則金錢無靈今乃課罰萎薄吾儕小人誠弗測長官何所懷也松母復愀然微歎曰此例既設余自必令松兒出然兩銀元何自求耶時潘媪適至聞此亦一籌莫展謂所得工資盡易柴米囊中止存五百文不敷猶至多也躊躇良久松母忽返其床頭伸手摸索出一布囊曰潘氏姊乞爲我啓之潘媪啓裏見爲一藍綢襖色極鮮豔蓋未嘗被體者松母頓發慘沮之音而言曰我與我夫同歲生當我夫婦四十時我夫謂今年生計略裕當有以自壽願壽筵一朝之歡弗如謀死後終古之適於是購此藍綢各製一衣曰以徵同心也我夫之衣在此日地下當已化爲土壤而我此衣猶在人間潘氏姊乎吾家初非毫無長物徒以我夫死後阿松猶稚故貨質且盡而此衣獨留者則弗欲違我夫遺意也吾今已弗能見然知此衣色澤當無殊其朔持付質庫兩銀元諒可易他日卽弗能贖吾寧擁敗絮入棺吾兒之厄

則弗可不解金榮乎吾將勞君往質也語至此已不成聲蓋傷心極矣潘媪聞此動其寡居之感亦從旁陪淚

罰金夕繳阿松朝出囚服去身陽光重沐急趨家巷朝母纒入巷遙見衰母號於途敝衣破甕飯釜之屬繞其四圍而折足之桌無面之椅方自己屋中騰躍而出着地立碎成雜木行既近見居屋中者爲王氏奴口齒間猶惘然見器物輒外擲旁觀亦弗敢聲蓋一月之期復屆而租值仍無償故踐屢言驅之出屋也阿松弗之顧第趨母側抱母膝呼曰母乎兒歸矣母聞此號益痛頓足言曰造物棄我竟如此耶兒試視之我儕足究何踐頂究何戴其間抑何日以窄狹竟有若不相容耶

潘媪哀阿松母子無歸護己屋之半居之松母過於哀痛年衰弗能勝其明日溘然長往鄰人爲求得一棺殯殮殊草草藍綢襖竟未能贖也阿松負母棺葬於郊卽弗復歸市人亦終未復遇之而小學校學生猶日日盼阿松餅也

折獄
毒藥案

●●●藥瓶案

●●●井水案

(袖斧)

●●● 饅首案

胡成立字性茲黔人也。以名進士從政粵西。令興安邑。初邑人風傳外人憾中國鄉民之仇教也。陰遣人懷挾毒藥。乘人不備。或施井水中。或貯之飲食。以害人生命爲快意。一日縣屬某鄉挾一放毒藥者來。並持藥瓶二。以爲左証。環署而觀者千餘人。皆怒目視放毒藥者。意謂令一出。卽當爲吾儕撲殺此獠也。有頃令登堂。詳鞠之不承。令審察其瓶中所貯藥色純墨而膏液凝滯。有類膠漆。怒斥之曰。此非爾毒藥之確據歟。其人仍不承。令曰。鞭汝脛。答汝背。梟汝首。不足以彰報施之巧。判決之公。吾惟以汝毒人之藥還藥汝而已矣。令呼取箸來。又呼取水來。以水入瓶。而以箸撓之。命左右和藥成丸。給放毒藥者以杯水。命吞服數丸。訖令止。觀者弗散。曰。願觀渠受天然之死刑。乃自午及暮。而其人無恙。令乃召原控人及羣觀者而告之曰。諸父老之來。怒方盛。氣方銳。吾但折以理。必且譁然。謂令私汝。以藥証其毒。吾以藥証其非毒。蓋汝輩所目爲放毒藥者。固沈溺黑籍中人。而所携者。則鷲粟膏也。吾察其顏色。與其藥品。而知之。汝輩豈弗能知此。特以氣未平。疑方熾。故不暇及耳。論律誣控者有罪。然爲保大羣之公安。而非有心之陷害。咎無可辭。而情有可恕也。悉釋之。父老退而詰其人。汝先不自白。何耶。則曰。吾以犯烟禁故也。邑之人遂敬令如佛。誦令如神。

越三月而有某村燒斃放毒藥二人之事先是令之僕自某村歸倉猝告令親見某村燒斃放毒藥者慘甚聞鄰近無屍親無來縣赴訴者令曰吾地方官也泰西謂之公僕中國謂之父母主人有事僕固不宜愒然子弟有事父母又豈應袖手乎况治安有責生命所關固不必其有屍親控告而後問也會夜半令密飭幹役查明被燒者日間所寓旅館立將館主傳縣拘留詰旦令詣某村勘驗下與以後近瞻遠矚杳無形迹可指令復詳察再四是時朝陽射平原如鏡老樹餘枯根燒痕猶有存者羣鳥啞啞繞令而飛似告以樹顛舊巢昨日受一炬之波及而今茲已無枝可棲也者令傳該村團紳徐某婉詢燒斃放毒藥者始末情事秘云無之令遂命左右覓稻草十餘束芝蔴數斗金漆桌一焚草溫土焚芝蔴草俟其熱度增高而以桌面熨貼芝蔴之上蓋本洗冤錄驗焚尸成法也歷一時許令起視桌面幻作雙雙足影東西相響確係縛人於樹而燒斃之者令詔團紳等曰証據分明而謂無是事乎紳仍不承令歸乃出旅館主而導之曰吾今晨已赴村勘驗團紳徐某已舉始末告我此案係發生汝旅館中汝其勿諱知縣者知一縣之事者也質言之卽爲汝等一縣之人辦事者也休感相關安危與共汝等卽縣令縣令卽汝等也放毒藥者有應得之罪縣令不知汝等知之代縣令以行其罰縣令不汝罪也旣已代令行其罰縣令知之矣而汝仍不以告則是欺縣令矣令將

七

七

七

不汝寬且縣之人亦既告縣令矣而汝一人獨不以告則是汝不惟欺縣令且欺一縣之人矣汝一縣之人亦將不汝容汝速爲令詳言之令決設法保全汝館主聞言感動乃告令曰日前有二客來狀若主僕然舍初定司盥沐者將水至二客揮之去進飲不飲進食不食少頃客自入市購蔬食并携一汲水器來又詢井在何所指示之客汲水必躬自往不肯假手人已竊竊疑之矣明日二客行鄰有童子戲井傍吸一勺之水倉猝呼腹痛父兄驚懼來告予予曰是二客者殆挾毒藥來欺鄰左右遂羣起趨視井泉至則坐井之蛙腹彭亨而仰其面以觀天於是羣譁然曰是蛙蓋中毒而斃者也乃走告團紳徐徐率團丁及鄉衆至聞狀悉怒曰是放毒藥者惡可赦不兩除之且貽毒他處於是遣人分道追二客二客既還惶悚無以對搜其行篋中藏有紅色藥瓶三團紳徐詔衆曰是宜捉將官裏去衆不可千長徐猛者倡議戶出柴一束衆曰可於是二客生命付一炬令聞言點首者久之喟然曰千長秩雖卑亦官耳應知人民犯罪國家自有三尺法在團紳擬訴諸官廳而千長必欲自焚之此其原因恐有不盡爲洩公憤起見者矣令退食時自語曰團紳徐千長亦徐殆同族歟夜半召徐紳來溫語慰之詢與千長係何行輩則團紳也叔而千長也姪令遂密授以意紳還家通告鄉里令亦深惡放毒藥者謂二客罪可殺焚尸案已銷令不復究矣時千長已預匿他所聞是語以

爲事既平乃還還則返縣役於途挾持見縣令令怒叱之曰汝知罪歟汝貪二客之財物而害其生
命汝尙何言千長色變反詰令曰令何所見而云然令復盛怒曰令未見見之者爲旅館主某耳千
長武人不知令之誘已疑館主某已吐實乃憤然曰渠固與予同謀者乃嫁禍於予而渠轉冀以
自脫歟令曰渠固言汝獨得其財物而渠固略未染指者也汝自爲之自言之可耳何可累良民乎
長益憤然曰令乃以渠爲民之良歟當搜二客行篋時銀幣八十枚有奇渠與予各得其半焚尸之
舉渠定其謀而予倡其議予固當死渠亦曷可生令曰是矣復詢以尸何在徐云在樹根之左令親
往勘取僅一零骸而已令曰焚斃係二客得其一而遺其一不足以成定讞復詢之徐徐曰其一則
非人力所能得之矣令驚詰所以徐曰劫火之餘殘肢易掩故瘞之樹側其一則全體具在慮爲人
發覺與渠密謀投之相距里許之煤龍中煤龍水深而穴暗勢不可復取令曰不取不足以慰死者
令乃下令集民人車煤龍之水三日而後涸又復懸金爲賞鼓勵團丁之有胆勇者縋縵而索幽一
尸乃復出然已腐爛不可復識矣令泣下曰生不免於火死復不免於水邑有蛇蝎而分不知是不
管令殺之矣令既旋署有蒼髯白髮兩老翁登堂擊鼓爭鳴冤令問故甲翁曰吾子在乙翁家課讀
三年矣年訂束脩三十元合計三年所入可得九十元吾子前寄家書告以本月歸倚門望子久乃

自往翁家視之。至則謂吾子已行。是非不忍。三年之修金而陰以計致吾子於死地。歟。乙翁則云。吾待其子恭且敬。其子將行。吾且治酒相祖餞。又以行篋中有物。慮獨行生意外。特備一同教。篤實工人從之。行其子既歸。翁乃故匿之。而重誣我。以爲利我。安所得其子而償之耶。令曰。汝云同教。果何教。歟。曰。吾與若皆回教也。故所備亦吾教中人。令喟然曰。汲水之真象在是矣。兩翁不解。所謂令曰。乙翁之師果行矣。而甲翁之子果未歸也。中道罹禍。罪人已得殆。所謂天網恢恢。疏而不漏。歟。因舉是案始末詳告之。明日令以百金授甲翁。以十金授乙翁。令各歸去。獄既具。上之郡守。將置旅館。主千長於法會。胡瓜代及期。旋解任。新縣令來。千長賂郡守。嬖人郡守檄新令覆訊。陰示開脫意。新令亦以強項稱。遂於覆訊時斃館主千長兩罪人於杖下。

越七年而有天津某縣餒首毒藥案。一日某縣署忽集千餘人。控一散放毒藥者。謂係受外人指使。勢洶如海門潮。不可制。縣令某窘迫萬狀。不知所爲。欲縱此放毒藥者。歟。恐激民人。致生變。欲懲此放毒藥者。歟。又恐果有外人來干涉。必致上官嚴詰責。因具牘以聞。總督陳。陳督名懋龍。字小石。與胡令成立同爲黔人。卽宣統帝遜位前一日掛冠歸去者也。閱牘竟遂檄巡警道督訊。以毋枉毋縱。持平核實爲要領。是時巡警道爲今河南巡按田君文烈。于時與胡令同在陳督幕府。胡則兼長警

署司法科田君謂胡曰輕之則一髮重之則千鈞消弭而鎮定之此案非君不能決也田君遂檄胡令戴星月而往既至某縣縣之人道相告總督派專員來訊毒藥案矣期會傍聽者數千人胡具衣冠坐堂皇自獄中提所謂放毒藥者而鞠之略詢數語無喜怒見於顏色胡詢原控人曰是果放毒藥者但毒藥安在答曰有餽首可証環聽者咸張目視餽首曰可畏哉是真殺人之毒藥胡亦頷之曰是面目黧黑與尋常餽首殊吾亦疑之遂以餽首授放毒藥者曰速食之汝自毒耳尚何言是時衆皆稱快請問官大解事乃食既良久而其人如常度衆各有慙色胡乃鳩堂下諸父老而詔之曰天下惟一疑字可以釀成絕大奇變在父老習聞散放毒藥之傳說不過因疑成懼思慮預防耳而其中二三不肖遂不免挾讐以嫁禍藉公以濟私極其流弊不知所底願自今始父以訓其子兄以誠其弟慎勿執途人而疑議之也衆咸感服而獄遂解

柚斧曰吾觀三案民之愚可憫令之智可愛雖然市虎之謠杯蛇之影滯人心而惑觀聽由來久矣其政治之未良欺抑教育之未普歟比年道路傳聞報章記載紙烟中含毒品矣蔬菜中貯毒物矣又云某偉人某大官相繼死皆以中毒藥故噫其信然歟毋亦吾所記毒藥案之類歟

任俠
小說
粉城公主

(漁郎)

鱗蛇亦名脆蛇出南海島爲接骨藥中妙品當塗任生幼失恃父賈於印度得一尾携歸遂習傷科
 藥中入蛇少許無論骨節損折投之無不效至生改業習讀而蛇膽無多珍之如拱璧未幾父死服
 除娶某姓女琴瑟甚敦而生喜交遊剛毅自任視阿堵如糞土家漸中落同鄉徐姓由工匠而入仕
 途司山左某局差務驕吝貪鄙忍刻寡情聞生名招司筆札生鄙其人卻不就一日訪友歸纔至里
 門見鄉農數十人縛一叟將肆鞭撻視之碧眼虬髯狀貌瑰異詢其開罪之由皆曰此人醉臥土地
 祠身有短兵恐非善類故執訊耳叟語生曰僕昨與友飲不覺酩酊以此妄遭執繫短兵係途中備
 警曾參殺人固莫須有也生聞其語言高朗知爲不凡乃代爲緩頰衆素服生遂釋之生引叟歸各
 展邦族叟自言東海甘姓往山東公幹窮途遇救恩不敢忘生餉以酒食量兼數人頃盡數器奇之
 命養豚肩以進又盡之食已掀髯笑曰一月乏食臣朔飢欲死今始得一飽快哉快哉遂起身告別
 亦不言謝挽留不可贈以金笑曰我輩江湖客視此無足重他日有緣再得相晤也出門逕去步履
 如飛瞬息已遠生益驚異後數年生舉於鄉赴春官試偶飲酒家見隔座數人氣象軒俊搏戰甚豪
 上座一人則甘叟也起而呼之叟喜招任入座略致寒暄即彼此勸酬飲已詢任寓處昂然而別生
 亦歸滯三下生將就寢叟忽由窗竇入任大訝叟止之曰弗怖向承大惠耿耿不忘不圖萍水相逢

曷勝慶幸。任始問數年來行止。叟曰：僕粉城公主麾下偵使也。專偵天下貪官污吏消息。一一登誌。適同飲者皆僕黨。雖數千里能飛傳羽報。前日王與東海王校騎馬劣。顛躓折左臂。呼痛欲絕。瀟雨。洋有蟒蛇王立七日限。遣僕往覓。三日不得。無以覆命。故尙滯於此。柰何柰何。任喜曰：果爾則誠巧矣。僕先世遺有此物。出門必携少許。備不虞。今當相贈。君請釋憂。遂出篋相付。叟喜極叩謝。任曰：粉城王耳。素未聞彼何人也。叟曰：遠在數千里外。君且弗問。果得痊。當來相報。限期已迫。不能與故人絮語。異日再暢談耳。言已。飛身而出。任惆悵久之。聞後落第。抑鬱無聊。有父執賈於京都。欲回皖中。擬取道北海。由水程返任。慕海洋之勝。欲往一遊。遂與結伴二十餘日。始抵芝罘。留連數日。僦舟啓行。甫出洋。颶風大作。柁折蓬飛。舟子相顧失色。皆袖手以俟。天命須臾。舟覆同溺。波中任抱一木。飄至一處。山勢壁立。藤蘿數十丈。直垂海面。其下水僅沒股。瘦石巉巖。盡海面如筍。急舍木攀藤。蹲伏濤渚。四顧削壁無路。可升。回視海中。則駭浪驚濤。聲如奔馬。天色將晚。呼救無應。正在倉皇。忽絕壁最高處。有一人行。走任乃大呼。行者止。足俯視。旋縋一長藤。下意示任。懸之而登。任乃急束腰際。其人曳之上。既登。任視之。則突眼凹頭。遍體綠毛。長數寸。蓋山怪也。怪得任大喜。挾置懷中。飛奔絕迹。瞬息已過十餘山。任自問萬無生理。忽籠燈簇簇數十騎。飛駛而來。怪委任急。遁任呼救。馬上者曰：

荒山深夜何來人聲命從者搜之得任獻馬首任見馬上少年短袖弓衣年二十許因備述所來少年並不深詰略一領首置任而去其行甚速任不解所爲又恐山怪復至中心忐忑枵腹雷鳴俄有二人籠燈飛至高呼落海人任遙應之其人蹤迹而至端視曰汝卽遇怪者耶曰然曰讀書否曰孝廉也一人笑撫任首曰君恐腦少一人曰且去見公主欲如何便如何也遂負之而行山路曲折不知幾十里任聞二人語知不能生然事已如斯亦不復畏旋至一處月明中似見城堞參差甫進城見峻壁高牆雕采刻桷類宮殿進西首一門有武士數輩若司閤者問曰來乎二人曰來矣卽釋肩挽任入一路燈光璀璨歷三四重門入後殿見堂中張燈如晝地上亦燒短燭武士甲冑肅立無聲欬旋傳進見二人令任膝行入微視堂上兩旁環立艷婢數十人中坐美女子年約二十許雪貌花顏錦衣窄袖下體紅襦綉縠不施圍裙足小於錐鞋尖珠顆如龍眼熠耀有光左右以任偷窺大呼叱咤持藤枝笞其背任震懼不知所爲女子略問姓名卽命左右引去至一室扇鎖之局促如蝸房一榻外別無長物旋有一婢攜酒肴來頗豐腆食已携器出反鍵其戶如故次日婢復餉酒肉頻頻寢任若深惜者如是者數日不釋亦不殺生死無以自決見婢多情婉問之婢嘆息曰君不知耶公主鍊成寶劍須得才人腦血浸四十九日方能化爲白光今將取君命以不忍加誅故尙遲待耳任

大懼求計。婢搖手曰：「公主罰甚嚴，婢子分卑，何能爲地？任求之，堅繼以泣。婢沈思曰：『飛天侯之言，公主或可信。』奈出門未歸，若早戮也，亦無良法。苟能緩死數日，俟渠歸而轉求之，或有救途。」厲戶急去，任轉帳不寐。天未明，婢掩入曰：「侯已返，君可作一書，妾當代白，因授以筆札，任寫付之。婢去良久，率一人來大呼：『任相公叩伏於地，視之，甘叟也。』悲喜交集，疑是夢中。叟曰：『僕來遲，致貴人受驚險，遭非命。』任急問何地，叟曰：『此卽粉城公主桃花奴也。父張某本大烏產，爲奸臣所陷，一門被誅。女幼學劍術，逃至此，集衆義士爲父報仇。適貪污官吏必行劫而誅殺之，迹雖綠林，然較勝近時官宰。前公主蒙賜藥數日，卽瘳。命僕至君家以萬金相報，君夫人辭不肯受，一再與之，以區區者爲盜泉，辭色俱厲，不得已携歸，再作計議。君今至此，非奇緣耶？』卽命婢入報公主，少頃携衣冠來，促令易訖，叟引入後堂。女已立俟，塔前任拜，女亦答拜。相將入座，女泣曰：『承郎續骨重生，幾負隆恩，不勝愧慰。』叟曰：『彼此不識，何足介介？女卽命盛筵，相款飛觥，勸爵至暮方已。復別治寢室，枕衾香軟，寶帳流蘇，卽令前婢侍寢，詰之知婢係姚姓某太守妾也。居數日，供奉極殷，意外奇逢，轉難自主。一日有偉男子入，與姚婢耳語，婢轉告女，命夜間傳訊，任欲問婢則已爲女呼去。旣暮，紅燭高燒，光耀內室，諸艷婢擁女入座，勇士幾輩侍列兩行，姚婢拽任入任從門隙窺之，不知所以。無何有一叟一少年縲絏至，匍

卸塔下叩首乞哀女叱曰汝爲大吏貪黷殃民試思三尺法可以輕恕否叟力辨不貪女笑曰某人
 補某守汝得萬金某人補某令汝得千金奏復某員汝得五百金卽此數端罪已莫道尙狡辨耶擲
 一紙令自書供叟顧少年捉刀女笑曰目不識丁乃爲大帥耶因汝會籌款賑飢姑恕一死貪囊三
 十萬暫留於此汝子當用寶劍汝去後須時記桃花奴莫謂青萍不利也令左右送叟歸少年則斬
 首瀝血取腦塗劍處置已捷身入內任驚汗涔涔私問婢姚曰此某大僚向本貪墨少年乃其子也
 任始恍然自是日在山中雖款待加優而歸心頗切每與婢及甘叟言之會重九女置酒饒別謂任
 曰妾與甘叟皆受恩賜薄有賸貽望勿再卻姚婢面目不惡且有小技可備不虞敬奉高賢聊供灑
 掃今晚卽送君返妾之所居幸勿洩也任唯唯半酣女笑起曰妾久未舞劍漸已生疎今當小獻微
 長爲相公佐酒遂易小妝束至庭中兩鼻一噓出兩劍長不盈寸愈吹愈大漸長至三尺有奇一碧
 黑色一白如霜雪鋒利無比始則縱躍盤旋繼而萬刃橫列終則白光如球在庭中旋滾三躍三墜
 戛然一聲均無所見女獨立庭際鼻中兩光直貫天半如長虹俄迅雷一瞥光盡歛劍亦烏有女笑
 曰技癢獻醜恐爲貴人齒冷任極贊其神重復入席洗盞更酌飲至薄暮豐醉不知比醒見身臥巨
 舟其行如駛惟姚婢在側舟中堆列纍纍者皆不動尊也驚問姚婢笑而不答固請之曰公主贈君

君自受之。此非不義財。不至累君清德也。任乃與婢同歸。先時妻聞凶耗。已易縗麻。至此重更吉服。姚婢以妾禮朝。夫人事上。御下順敬。有則任得巨款。益揮霍好義。親友來求。必作小周濟。一夕有盜黨。越高牆入。夫婦大驚。瑟縮不敢出。婢從容起。持械啓室門。叱曰。賊么麼。有小匱。乏可明告。何敢爾。爾盜。其嬌弱持刃。奔至。婢飛足顛之。又一人至。又顛之。既而數人並入。任但聞室外格鬪聲。呼痛聲。奔走。婢笑曰。如此無用。亦作盜。不怕英雄。齒冷耶。已而寂然。夫婦始敢起。知婢不凡。婢入報曰。鼠輩已遁。此後但能慷慨慎交。脩德行義。則小人自不敢犯。妾去矣。一躍而逝。急追之。已杳。

社會小說
不倒翁

(覺迷)

沈某者某邑今日赫赫有名之紳董也。父某爲煙界健將。貧甚。充更夫。父故時人咸揣沈必入丐籍。殊不料其有今日也。初沈拜父執縣皂某爲乾父。得差夥。缺沈乃略施其手腕。歷年餘。搜括得小民汗血錢數百千。旋又奮緣庫書某得掌糧櫃。乃漸出其生平經濟學理財法。不數年居然作富家翁。至是所能垂其青眼者。厥惟紳士。乃日走於邑中鉅紳之門。其於拍馬屁之學術。經驗實高出前清洋翰林程度一等。所以得拜某某爲乾父。與某某爲換帖。與某某爲世交。沈既附驥尾。遂一躍而躋於紳士之儔。雖渠列祖列宗之積德累功。亦某邑之別開生面也。無何革命事起。沈亦奔走其間。得獲

嘉獎乃誇耀鄉里。省議會選舉沈以學得催眠術皮毛。初選當選人。竟大受其作用。省議會議場中。居然亦有沈之位置。沈大喜。開賀三日。時黨爭劇烈。沈則東家好。則眷東西家。強則長西。驕則派中。被舉爲領袖。沈則辭謝者。再議會取消。政體復舊。沈乃偃其腰曲。其背稱知事曰公祖。知事有所問。則對曰。是是知事。見其資格深。紳士之名冊中。遂列第一。邑之赫赫有名者。或倒或退。或隱而沈則自若也。人乃謔之曰。不倒翁。

社會小說 大錯

(胡寄塵)

楊生者。失其名。魯人也。父商於鄂。因家焉。生計既絀。食指又繁。兄弟四人。悉未能自立。仰食於父。於是大有衣食不周之慮。生行三兄二。皆習商。未畢其爲徒之期也。弟一與生同從村學。究讀。願生天資聰穎。學業超儕。輩師屢獎之。而以大器相期。生父聞之。寧非大快。願終歲所入。且難周其衣食。年納學費十數金。大非易事。亦惟有浩歎而已。

時漢口有劉少峯者。茶商也。擁資數十萬。夫婦皆中年。有子女各一。子不肖。父母亦不甚愛之。女曰明玉。視若掌珠。夫恃寵而驕。世人恆態。况深閨嬌女。生長羅綺之中。放縱驕奢。罔識天高地厚。乎破瓜已屆。東牀猶虛。此則係父母選擇之嚴固。不待論矣。

豈知天下事有出人意料所不及者則少峯以明玉許楊生是也夫以少峯之富楊生之貧相何去
霄壤劉縱不愛其女亦何至以嬌雛嫁貧家兒况乎其爲掌珠乎此真所謂大惑不解者矣
少峯因事至鄉聞人言楊生事心竊異之乃託故召見生至則翩翩年少秀逸絕倫應對進退亦復
中矩談笑之間少峯點首者再於是而有東床之選

少峯既歸漢入見妻笑賀曰吾爲汝得住婿矣妻亟問門第何若家產何若少峯不待言畢曰汝休
瑣瑣吾不爲此也汝勿驚吾且語汝妻愕無一言靜待少峯語少峯曰言門第是小商家產更不必
說妻亟曰然則何取然則何取且言且哽珠淚已奪眼眶而出少峯曰吾所取者兄弟多耳妻曰異
哉兄弟多則妯娌之間愈難處矣少峯曰不然吾籌之熟矣彼貧家也且貧而多子者也須知世上
貧人之視其子不啻仇敵一二子猶可愈多則愈賤視之饑而索食寒而索衣應酬不暇時有恨無
人攜之去者則雖命其子爲他人子可也今我將利用之使贅於吾家况此子之靈敏端莊遠非蠢
蠢者可比此吾所以爲汝賀得佳婿也妻聞是言乃疑團盡釋點首稱善

越數日劉乃央媒至楊氏說姻事楊父習聞少峯名驟見此舉不測其意之所在走商於塾師塾師
者人情世故閱歷極深者也乃對之曰彼富人乃求婚貧家無他愛汝子耳既降格以相就必不因

一拒而中止。今但辭之以觀其後。楊父信其言。以門第不相當。為辭。媒者喪氣而返。媒者返命。畢而塾師至矣。塾師見劉。自述姓氏。即要之曰。楊某吾弟子也。若重酬我者。事必濟。劉適為楊拒。正鬱鬱寡歡。忽聞師言。欣然自得。重金為酬。立約而退。

師還鄉。一若無事者。日呵責弟子。如故。劉方候師之好音。楊父亦望劉媒之再至。數日而音信寂寂。一日薄暮。如例散館。諸生各紛紛散。師獨留楊生。謂之曰。汝資質可造。惜乎家貧不能遂。汝志吾聞。汝父且命汝習商矣。將若之。何。楊生俯首不能置一語。師笑曰。吾為汝謀之可乎。劉某者。富商也。苟為之壻。何患無依。他日功名事業。悉於此卜之。楊生曰。善則善矣。其如富家女兒之驕傲。何。楊生蓋預知其然者。故有此言也。師曰。汝為之婿。汝亦富矣。富遇貧則驕。富遇富安所用其驕。生心為之動。默然不語。師至此亦會其意矣。

明日師告生父曰。劉家事果如吾料。今命我為媒矣。此機會安可坐失。其速允之。楊父忠厚。諸事惟塾師命是聽。於是而婚事遂定。於是而大錯遂成。

夫劉少峯所求。既如其願。楊生貧士得丈人之助。宜可成就。曷曰大錯。夫豈知天下事。固有不由人算者。算之愈精。則錯之愈甚。此其所以為大錯也。

劉之婿楊本欲贅於其家。豈知楊性孤傲，不以爲然。楊之爲劉婿，欲藉其力以讀書也。豈知劉則重商而輕士，亦不以爲然。未娶之先，已稍稍有意見。未幾兒女皆長，完姻畢而意見愈深，不可破。楊生既不肯贅於劉，劉女歸楊，驕縱既慣，自不能安於其室。少峯則勸楊生爲商，楊復笑不允。且嘲之。於是而劉之遺贈只及女，而不及生。一若不認爲婿也。者家庭之內，詬罵時聞，親戚之間，視若仇敵。各悔前事之孟浪，而皆無法挽回。此一雙怨偶，遂各無展眉之一日。此其所以爲大錯也。

記者曰：中國婚制不良，缺陷之事有如此者。劉則愛女而適以害之，楊則求助而適以自困。一着之差，大錯遂鑄。世之覽者可爲殷鑑。雖然，世上大錯事又寧止此而已哉。

短篇紀事
鄭生

(一鳴)

香山鄭生名翠林，字孫武，性倜儻，美丰姿，幼從事於帖括，入邑庠。其父名金壽，性機警，以豪爽自命。親戚之窮乏者，往告貸，無難色。里有善舉事士紳就之商，一啓口，雖盈百不少。吝然約子甚嚴，錢財出入，兒輩無顧問權。故鄭生境遇恆不自由，有時抑鬱無聊，借花叢爲消遣計。每節花酒資，無所出，則私自典衣以爲償。久之爲乃父偵知，乃以一生辛苦所得，設一義莊，既可流芳百世，而子若孫亦無從破壞計。議已定，遂訪范文正公軼事，將所有良田千頃，統歸義莊管轄，並申詳各大憲立案。而

封典由是頒樂善好施之匾額由是錫蓋渠本捐有道銜也每當宴會必對客曰老夫年邁今處置身後事可高枕無憂矣坐客咸服其智爲不可及一切義庄事務則命生經理之生迫於父命無可如何因頓年餘益無聊賴乃靜極思動頓生遊學之念遂遺書於父曰

自奉父親命經理義莊事業一載於茲種竹蒔花雖多樂趣然年華易逝若不及時發憤出洋遊學則老大傷悲又將何及尙乞父親憐兒之志措貲遊學他日卒業返國再叙天人之樂未爲晚也若父親以姑息爲愛兒計兒惟有死而已伏乞父親三思勿使兒留不孝之名於世界則幸甚矣男學林謹稟

父得書目瞪口呆半晌擲書於几而歎曰哀哉吾僅此一子原所以爲娛老計奈欲棄我而遠行兒苟行則晨昏侍我者又爲何人言罷不禁嗚咽越日父持書徧訪親朋問計當時風氣未開固塞者以生爲逆父志目笑非之眼光稍遠之士則謂中國現處孱弱之勢進取如君家子誠鳳毛麟角不可多得不若措貲使之出洋留學他日歸國大可謀社會幸福父聞友言心乃大動遂復書於生曰昨閱爾書知爾遊學之心已決勉強遏之無益也今願每年助爾留學費千金爾其寬心不必過慮俟有機會便可出洋此復學林兒竟父字

生接父書讀之狂喜以爲從此放開眼界不至跼跼如轅下駒矣。金風送爽。玉露延涼。生束裝東遊。拜別老父。手提革囊。改裝易服。履聲橐橐。儼然一文明中人矣。既抵東瀛。始則入音樂科研究音樂。繼則入早稻田大學考求法理學。有心得。輒筆諸日記簿。每遞老父書。必詳述彼邦風土人情與世界大勢。於是老父之腦筋中亦漸知有中國觀念。世界觀念。思欲一振社會頹風。適某國有虐待華工之舉。報紙沸騰。喧傳耳鼓。生父乃約商界中著名者。會議抵制之事。雖爲政府所壓制。不能收完全效果。然已各省響應。大有銅山洛鑛東西相接之勢。某國遂有戒心。華工之困以舒。而生父亦以此得名。生父又以生在東京。獨居寂寞。恐復蹈故轍。作狎邪遊。爰將其妻若子送之東渡。藉以箝制之。妻固知文墨。至東京入女子師範學校。子入幼稚園。星期多暇。生携妻與子登山臨水。或談科學。或叙閑情。逢暑假則携之回國省親。有時開音樂會。以鼓吹舊同志。藉以消磨長夏。而地方風氣亦以開通。後生父以念子情切。鬱鬱而病。然性堅忍耐勞。苦雖經染病。仍致力社會。會某富翁有地數十畝。棄置無用。生父憇之。因言創辦學堂。勸富翁悉數將餘地捐助。化無用爲有用。富翁固慷慨而仁厚者。欣然允之。生父度量地勢。經營建造。不遺餘力。工未落成。卒因勞苦過度。一病莫起。生回國治喪。哀痛迫切。憤不欲生。親友聞訃。咸爲之太息。生畢業後携佳耦歸。克繼父志。建築校舍。底於

完全廣羅生徒盡心教育地方自治於無形中得其幸福誠非淺鮮。生益自淬勵留心普通教育。生固善烹調者。校中男女兼收。男則於課餘之暇。教以畜牧園藝之學。女則教以縫紉烹調之學。而音樂爲生絕技。暇輒聚生徒於一堂。而鼓吹之。指揮之。秋間園菊滿開。則售賣遊園券。以充校費。校地固距名勝之地不遠。每逢春日。香車寶馬。日從校門首經過者。難以數計。生因思間接吸收遊資之法。歸與妻謀。妻固爲校中之女教員者。於東洋女學校。曾以最優等畢業。今擔任音樂一課。餘音嫻嫻。殊有高尙之思想。生以募捐事告妻。頗贊成。而募捐團由是組織焉。團分男女二班。男班則生爲團長。女班則生之妻爲團長。組織完美。擇日出發。並有西樂以助其興。而遊人愈覺矚目。解囊捐助者爲數頗鉅。生一一記其姓字。歸而作報告。權利所在。易遭謗毀。大宗捐款收入。後蜚語類來。有謂以女學生資格。不應追隨紅男綠女。中作乞憐狀者。有謂其聚會之地。良莠不齊。女學生輕盈體態。易招游蜂浪蝶。戲侮者。憑空結撰。海市蜃樓。生以名譽攸關。不辨。既有所不能。欲辨又難。於著筆。只得現身說法。以其妻爲募捐團團長。名目發揮。謂團長以籌經費。故不惜以金枝玉葉。廁身於遊客衆多之地。俯首下心。深自貶抑。女學生雖高貴。而有女團長爲之領袖。卽有輕狂之輩。女團長防範恭嚴。何得有纖塵之沾染。况已所不欲。勿施於人。古有明訓。今女團長以身作則。強恕而行。與團員

共書甘苦當爲有目者所共見報章所載得毋欲加之罪不患無辭乎百端辨論反覆申明風潮乃寢生遭此磨折後萬事灰心所謂行善事而得惡名者是也革命事起地方光復生以辦學資格爲地方所崇拜遂肆其手段將無主寺院之地產貨財納而歸之於校校之經濟由是充足嗣以喪明之痛遂委校事於不問肆志游歷遊歷所得譜爲歌謠若有魯伶官抱樂以終之志奈世情變幻滄海桑田偶爾不慎祝融爲災校具半化爲灰燼生聞之益怏怏不自得以爲半生辛苦竟遭此不測胡天之不見佑若此耶從此遂不問教育事而遷迹於北海之濱

小滑稽 空中墮頭記

(野民)

鄒生好荒誕而其荒誕乃愈出而愈奇某日告予曰子欲聞予之謬史乎予曰唯唯鄒生乃述其謬史曰予年十八入某學校校中諸同學與予甚相得暇輒牽予作球戲一生蹴球起諸生爭奔之予球技固至拙而好隨諸生後無何而予之噩運至矣甲生偶蹴球球適至予足下予將舉足而又有乙生自予身後力起其足乃誤蹴予予頓顛諸生大譁爭援予乙生面大頰向予謝罪諸生爭詢予之創處予細視予足則已血殷草履矣顧予雖呻吟不輟而猶以英武自許乃作誇詞曰虜傷吾指諸生羣大笑曰子誠妄人也人傷汝足而不知痛一蹴汝固無傷予亦不覺破涕爲笑顧諸生游興

未○殺○乃○舍○予○於○草○地○而○去○予○偃○息○地○上○痛○定○思○痛○狀○似○戰○敗○之○兵○僵○臥○草○莽○回○顧○夕○陽○西○下○天○色○微○冥○欲○哭○不○可○欲○笑○不○能○大○有○孤○城○落○日○門○兵○稀○之○概○嗚○呼○鄰○生○今○茲○苦○矣○顧○予○嘗○讀○書○知○有○否○極○泰○來○之○語○每○至○無○可○如○何○時○輒○以○此○自○慰○予○當○此○際○口○誦○此○四○字○不○輟○久○之○浸○忘○足○痛○而○予○種○種○之○奇○遇○乃○自○此○始○焉○予○既○身○憊○不○能○興○乃○假○草○地○爲○榻○而○墊○睡○其○上○忽○聞○耳○畔○轟○然○作○響○仰○視○見○天○忽○裂○一○長○罅○罅○中○隱○有○一○物○其○小○如○粟○形○似○下○墮○予○恍○憶○予○身○邊○尙○攜○有○遠○鏡○乃○取○而○視○之○惟○見○長○空○朗○徹○中○有○一○物○細○如○蟻○浸○有○下○沈○之○勢○予○大○詫○自○思○歐○人○天○文○學○未○見○有○墮○星○之○語○此○物○胡○爲○乎○來○豈○所○謂○飛○艇○者○耶○若○然○則○飛○艇○家○之○生○命○殆○矣○無○何○物○漸○沈○下○予○諦○視○不○輟○久○之○大○如○奕○子○愈○下○而○其○行○愈○疾○予○方○仰○視○天○空○忽○失○物○之○所○在○棄○鏡○俯○視○則○已○投○予○懷○予○嘗○見○史○乘○帝○王○之○母○往○往○夢○日○月○投○懷○而○生○貴○子○此○物○豈○天○神○之○降○世○者○耶○顧○予○非○婦○人○又○安○能○產○甯馨○兒○而○爲○救○世○之○主○彼○乃○投○予○懷○中○豈○非○大○誤○予○方○作○奇○想○而○物○乃○蠕○蠕○動○予○諦○視○之○乃○大○驚○諸○公○試○思○之○果○何○物○乎○乃○一○無○身○之○人○頭○也○其○蒼○顏○白○髮○之○頭○乎○其○朱○顏○童○子○之○頭○乎○曰○否○否○乃○一○螻○首○蛾○眉○靚○妝○女○郎○之○頭○耳○予○自○思○此○必○散○花○天○女○偶○有○塵○念○遂○觸○天○刑○而○彼○螻○蟻○之○膚○乃○遭○此○無○情○之○斧○鑕○予○思○至○此○予○乃○失○聲○哭○而○予○之○墮○頭○記○畢○矣○欲○問○予○者○予○當○述○無○身○之○國○則○請○俟○諸○下○期○禮○拜○六○（不受酬）

孤凰操

(息游)

吳興山水入春更佳。曾游是鄉。輒與客泛扁舟。領略風景。時則青陽載途。和風微扇。岸柳絲絲。臨波搖曳。一似向人歡迎者。客曰。對此婀娜當年。張緒丰致。可見一斑矣。言未既。忽悲聲觸耳。鼓臨風遙送。若含有無量數之悲恨。蘊鬱於中。始能出此最哀極慘之音。客與余皆好奇。急命榜人。艤舟野渚。遐眺蹤跡。覺目力所及。人影憧憧。雖爲竹樹所障。不能了了。然悲聲已由林間直遞而至。

余欲窮其異。越客亦前。經麥隴。穿桑徑。繞越林前。陡見一坏。新土草色未青。前陳祭饌。蠟炬滴滴。爲人下淚。旁焚冥蠟。爐烟猶裊。迴風鼓盪。片片作蝴蝶飛。

有女郎年可十二三。上下縞素。拜奠痛哭。旁侍僕婦方力勸不止。願女郎力竭聲嘶。面慘淡。無人色。然素菊凌霜。固未曾稍損。丰姿旋開。僕婦曰。娘子傾淚盈斛。消瘦之容。詎能堪此。郎君有知在冥漠中。亦有愀然不安者。

余驟聞此說。始知女郎不待十五已嫁。王昌今作未亡人。額髮猶初覆也。不禁悲從中來。思所以慰藉之。俾稍減其哀。願以渺不相識之人。冒焉進言。自非環薄。何至率爾如此。縱使陳詞而婦或以爲

非寬慰我實輕薄我不特難釋其萬一之戚反增其無盡之悲哀腸九迴愛莫能助覺所謂可憐
婦青燈伴猶是深閨待字年者尙未能形容曲肖耳

正神馳間客蹴余曰子亦騷已少婦將去我儕在此知我者謂我心憂不知我者謂我何求果奚爲
者余急回視見僕婦扶而行不數武猶旋顧黃土啜泣戀戀若不忍去

斯時有一嫗佇立墓側面有嗚咽之容察余情狀似謂與長眠泉壤者必非了不相關乃就而問曰
先生輩徬徨於此殆與逝者有段孽親抑雷陳誼乎余曰否否媽若知梗概乞詳告之嫗曰余固爲
塚中人乳婦此段歷史不難如數家珍然非數言可了敝廬在望盍小憩庶得畢其詞客接言曰毋
勞相迓乃偕余就鹿場隙地聽嫗述傷心之事

嫗曰距此數里有市集曰碧涇富室丁姓生子一小名琴郎自幼雇余襍抱而喂乳之五六齡時穎
悟大異常兒授以唐宋人詩輒琅琅成誦父母祇此子鍾愛逾恆聞同里曹姓有女名芷馨姿態娟
秀畫中人不是過焉且幼知書馳譽鄉里丁翁聞女名倩冰上人問字冀爲琴郎得佳婦曹母初以
年幼辭旋經撮合者貪得媒金不憚運廣長之舌謂兩美必合誠屬佳耦女兒家終須字人遲速一
也若不之許他日欲覓坦腹郎君恐已失之交臂然丁家郎豈少顏如舜華之婦哉母心歎動遂締

紅絲其時正馨年纔十齡而琴郎又弱二齡焉里中人知親事已諧皆嘖嘖稱羨謂一對璧人誰云月老憤憤耶

早婚之風余鄉爲盛囿於習俗恬不爲怪翁以晚年得琴郎思了向平之願俾早日抱孫乃擇吉季冬行親迎禮然新郎之年以弱冠數例之適得其半先生疑我言乎請詢諸他人始知余無誑言余等聞嫗說深恐其不速言曰誠如媽說惟請廣續其詞勿少間

嫗於是復述曰執意節屆小春琴郎忽患消渴之症藥之了不見瘳不經月神形瘦削心蕩不寐醫者稱難治焉會琴郎伯母來視疾出謂其母曰嘗見有婚嫁將屆而染病未愈者須卽與合香謂之見喜故因喜而得瘳者十乃八九况姪兒吉日已定曷不商之新婦家縮短時限仿世俗見喜之舉速爲結構或者喜星臨門而病魔退避三舍矣母稱善者再商諸翁翁正以子病憂心忡忡聞婦語意涉猶豫

忽門外一盲者過手小鉦鏗然有聲蓋評命家也翁延之入以子之年月日告令其推算盲者遍輪手指乃曰此命歲星白虎臨頭應了大厄猶幸本月爲天德月德星值宮倘令見喜定卜逢凶化吉翁曰令其諧婚可乎曰此大喜也吉莫如之翁於是計決囑憲修者造女家詭稱琴郎近患法疾而

勤●準●如●故●父●母●恐●其●耗●神●思●急●迎●新●娘●過●門●爲●郎●良●伴●今●令●星●家●卜●吉●於●月●之●望●日●敢●以●爲●請●曹●母●意●欲●不●允●繼●思●與●原●選●之●日●僅●距●二●旬●餘●何●不●做●一●人●情●婿●係●燥●濕●寒●暑●不●時●之●疾●庸●何●傷●遂●允●所●請●并●趕●置●奩●物●務●求●美●備●毋●令●婿●家●笑●我●慳●也●

翁●知●女●家●已●諾●與●其●婦●擗●擋●諸●事●而●琴●郎●日●復●一●日●不●特●無●起●色●反●加●劇●焉●轉●瞬●吉●日●凡●親●朋●來●賀●者●翁●以●子●病●酬●應●殊●草●草●綵●輿●抵●門●琴●郎●病●莫●能●興●翁●惶●急●萬●狀●乃●令●二●僕●左●右●挾●持●之●強●爲●成●禮●芷●娘●至●此●方●知●被●紿●然●竊●意●新●郎●必●不●一●病●而●殆●惟●纔●作●新●嫁●娘●豈●能●與●新●郎●遽●爾●溫●存●不●免●戚●然●憂●之●輒●於●暗●陬●時●彈●珠●淚●翁●姑●見●子●病●甚●不●能●與●新●婦●同●夕●乃●令●新●娘●別●居●一●室●

此●夜●芷●娘●如●臥●針●氈●屢●欲●以●新●郎●之●病●一●詢●僕●婦●繼●思●入●門●伊●始●倘●絮●絮●詰●問●彼●將●謂●顏●之●厚●已●一●時●千●疊●愁●波●交●縈●胸●臆●回●思●我●生●不●辰●早●失●所●怙●幸●與●慈●母●相●依●爲●命●未●嘗●一●日●形●影●相●離●今●宵●吾●母●未●必●不●如●余●之●輾●轉●反●側●者●歷●時●既●久●纔●一●合●眼●覺●姑●自●內●出●面●有●悅●色●曰●琴●郎●之●疾●刻●見●漸●愈●芷●娘●聞●之●喜●不●自●勝●忽●有●婢●至●息●奔●告●曰●請●老●夫●人●速●去●琴●郎●殆●矣●芷●娘●當●此●心●胆●幾●碎●哭●而●覺●則●身●臥●帳●中●淚●漬●濕●重●裘●燈●欲●閃●碧●壁●間●時●計●鐘●鏗●然●纔●三●下●僕●婦●胸●聲●如●牛●鳴●驚●魂●乍●定●細●思●此●夢●恐●非●吉●徵●憂●懼●交●集●強●欲●交●睫●而●萬●緒●紛●縈●其●何●以●寐●俄●焉●聞●喔●喔●聲●仰●視●窗●牖●暗●黑●如●故●一●似●迢●

迨長夜預知愁人不寐故將宵漏延長而促其偃息者久之思力漸疲不覺朦朧忽聞砉然有聲則僕婦方啓戶而洒掃已。

芷娘強起略施膏沐然而面龐淚痕隱約可認裝訖至翁姑處問早安姑曰新婦弗憂卜者曾云吾兒晦星纏身見喜可解余昨向善薩前求得吉籤有猶如枯木再逢春之句汝翁詳之謂一交春令其病立愈已芷娘聆姑言私心稍慰。

午後姑告芷娘曰汝勿作羞澀態盡至吾兒處互談庶彼不至岑寂芷娘久存此意願難於啓齒欲言嗚嗚今聞此說不殊一紙恩詔從天而下急移步而前第睹繡幕深掩悄無人聲閉琴郎呼吸甚厲側身向內侍者告其故乃徐徐轉側啓雙眸口翕張幾不成語芷娘見此現象哭幾失聲繼思若令郎聞是愈速其死乃忍淚吞聲以前欲傾吐情懷而羞懼萬狀搜索衷腸究不知從何措辭反覺含情脈脈默無一言有頃琴郎出手握芷娘腕歎曰病入膏肓何處覓扁鵲幾日假夫妻諒係前世判定夫復何言余瞑目後望弗過哀言時氣幾不續稍間又曰余終鮮兄弟願善事翁姑以慰九京之靈言次淚奪眶而出芷娘此時如萬箭攢心身搖搖幾不自持有僕婦從旁輕掣其肘曰請新娘暫出使郎稍安其神芷娘不得已和淚而退然琴郎則惟目送而已。

芷娘○結○後○自○歎○實○命○不○猶○又○誰○敢○怨○倘○琴○郎○不○測○計○惟○一○死○相○從○於○地○下○旋○思○善○事○翁○姑○言○猶○在○耳○
 若○斷○送○殘○生○則○大○傷○郎○心○又○思○我○年○十○二○竟○作○孤○凰○恐○普○天○下○女○子○之○命○未○有○如○我○之○薄○於○蟬○翼○者○
 佛○云○欲○知○前○世○因○今○生○受○者○是○我○今○歷○此○至○慘○至○苦○之○境○殆○前○世○罪○積○如○山○萬○難○懺○悔○故○罰○我○償○之○
 乎○長○此○苦○况○愁○海○無○邊○雖○欲○偷○生○亦○復○何○味○思○潮○所○湧○死○念○又○堅○正○冥○想○間○猝○聞○哭○聲○震○厲○知○有○變○
 端○急○視○之○見○琴○郎○喘○若○吳○牛○兩○目○瞪○視○呼○之○不○應○芷○娘○頓○覺○一○陣○酸○楚○從○心○坎○中○出○眩○暈○於○地○初○時○
 耳○際○似○聞○有○呼○喚○聲○久○之○冥○然○杳○然○全○失○知○覺○矣○

嫗○述○至○此○淚○潏○潏○下○曰○此○事○始○末○曾○日○擊○之○故○語○焉○能○詳○至○芷○娘○肺○腑○中○事○余○非○其○靈○魂○何○繖○悉○無○
 遺○然○此○中○心○曲○彼○實○親○為○余○告○故○今○日○得○一○一○貫○諸○先○生○也○雖○然○舌○敝○矣○容○暫○休○

旋○乃○繼○續○言○曰○芷○娘○忽○如○夢○覺○則○身○在○已○室○不○解○何○由○至○此○默○為○思○索○始○憶○必○因○暈○後○而○扶○臥○此○者○
 竭○力○拮○起○覺○屋○如○轉○轆○盤○旋○不○定○復○倒○身○臥○淚○下○如○綆○急○欲○詢○琴○郎○消○息○杳○無○人○至○心○焦○急○欲○死○
 抑○知○芷○娘○昏○暈○後○琴○郎○旋○即○長○逝○翁○姑○慮○苦○壞○新○婦○令○僕○婢○暫○不○與○聞○後○有○小○婢○漏○言○芷○娘○暈○絕○數○
 次○誓○以○身○殉○翁○姑○百○端○勸○解○囑○侍○者○晝○夜○防○閒○得○以○倖○免○

余○見○琴○郎○已○逝○將○何○以○處○芷○娘○不○欲○觀○此○慘○劇○乃○自○辭○歸○明○知○忽○然○以○行○未○免○過○忍○然○不○如○此○則○日○

必○安○排○一○副○眼○淚○以○對○傷○心○人○也○

余○歸○後○聞○戚○族○中○有○昌○言○者○謂○芷○娘○以○幼○齡○空○攬○新○婦○名○應○令○翁○姑○撫○作○螟○蛉○女○爲○擇○快○婿○以○彌○從○前○缺○陷○此○言○一○出○凡○自○命○道○學○者○咸○非○之○而○權○宜○應○變○者○多○越○之○嗣○以○芷○娘○志○不○可○移○謂○薄○命○人○幼○作○寡○鵠○倘○強○與○數○爭○安○知○一○誤○不○可○再○誤○人○各○有○志○毋○相○強○也○萬○一○不○獲○見○諒○行○將○覓○郎○於○黃○泉○以○了○未○來○之○劫○於○是○前○讎○頓○寢○

嗣○後○若○何○余○不○復○聞○亦○不○忍○聞○今○日○芷○娘○展○琴○郎○墓○余○亦○因○之○趨○視○不○圖○餘○哀○未○忘○一○痛○幾○絕○噫○豈○果○命○也○耶○

嫗○言○既○畢○余○與○客○幾○如○江○州○司○馬○淚○濕○青○衫○仰○視○樹○頭○黃○鸝○二○三○結○舌○垂○翅○絕○不○一○調○其○睨○皖○之○音○一○若○憫○芷○娘○遭○際○而○彼○亦○寂○寂○寡○歡○者○客○曰○今○日○之○游○爲○行○樂○計○孰○意○未○得○登○臨○之○樂○反○增○無○謂○之○懊○惱○倘○在○此○徒○令○人○不○歡○盍○歸○乎○爰○與○嫗○珍○重○而○返○

歸○舟○款○乃○見○兩○岸○桃○花○含○愁○蹙○蹙○晴○光○慘○淡○烟○水○黯○然○卽○嚮○之○金○縷○垂○絲○對○客○作○欣○欣○喜○色○者○至○是○亦○垂○眼○低○眉○若○自○憐○身○世○飄○零○云○

著○者○曰○早○婚○之○害○詎○能○勝○言○彼○昏○不○知○相○沿○成○俗○凡○有○子○弟○者○一○至○舞○象○舞○勺○之○年○卽○爲○娶○婦○初○不○

計及後患琴郎之死雖非因是然以十齡稚子爲其擇日畢婚非糊塗虫必不出此奈何子已瀕危猶挾婦孺之識令其見喜致將十二齡女郎陷入萬仞重淵此生無超昇之路詎得委諸命乎余草此篇深冀凡爲父兄者引爲殷鑒力矯積習祛除迷信謂非大有造於青年子弟哉若目爲少見多怪謂毋勞汝饒舌則非余所敢知已。

寫情小說 五十年前

(瘦鵝譯)

英國庇亞生雜誌記者曰是篇之作去今殆百餘年矣余得之于吾曾祖母所有之一畫像中以歷時已悠久紙黃而敝殆不久即當飽蠹魚之腹像爲一娟娟楚楚之老婦久懸于吾祖父最上之一室中不知其經幾何年矣一日余無所事事偶啓視像架斗得是稿度即此娟娟楚楚之老婦所作筆而錄之亦一絕妙之言情小說也

予今老矣昔之綠雲雙鬢今已星星如霜雪乃猶風情未減絮絮言妙齡時情場影事不將令人齒冷然而秋水雙眸雖已失其光明春華兩鬢雖已褪其色香而回首五十年前事尙歷歷如昨日此心耿耿不得不記吾自情熱又烏能顧及人家齒冷耶

當予情場得意之時正吾英倫多難之秋戰雲羃羃籠罩此三島弗散家家兒夫俱橫戈上沙場去

與彼法蘭西人戰。閨中多少多情女。無日不上望夫山。情切切。盼檀郎歸來。

予時雛鶯生小。嬌憨殊甚。日拉鄰家兒。鬥草買花。捉迷藏。初不知人世間。乃有流淚傷心事。一日。味爽朝日。一絲早早。便破雲出。苦苦催吾阿父。上沙場去。阿父與予別狀。至快快。弗自聊。予乃破題兒。第一遭。不期而流淚。不期而傷心。

予蚤年便失母。故所得阿母之愛情。實較阿父爲少。而予之愛阿父。亦較愛阿母爲深。且厚。蓋阿母生時。予剛在襁褓之中。胡天胡帝。凡百漫無所覺。是以阿母之如何愛予。予都弗省。今乃見息息相依。至親至愛之阿父。遽欲棄予而去。予中心之悲痛。詎可方物。既已無母。那堪復亡阿父。予于是竟作畸零之人矣。

阿父行時。以所居屋屬僕人輩爲之筦理。而予則往卡立司爾古城。依祖父祖母以居。其地頗易得。戰地消息。予遂亦安之。祖母考爾士年。雖老而語聲尙清婉。動聽且善體。女郎心性。愛予至摯。恆以笑容向予。祖父魁梧奇偉。昂藏六尺。予愛之亦復畏之。二十年前。渠亦躍馬沙場。好男兒。嘗從戎。與奧地利人戰。今垂垂老矣。而猶赳赳有生氣。每與人道及阿父。輒掀髯自得。謂個小子。能烈烈轟轟。戰一場。爲國扞衛。老夫爲有子矣。

予自阿父行後心每如搗惟望戰雲越散無恙歸來翹盼數日頓弗得戰地消息一日之晨聞人言戰事頗烈吾阿父所隸之馬軍最奮勇殺敵幾于無一生還予聞言大惶恐念阿父或亦及于難矣而祖父則意得甚謂英國而有是等軍人大足爲吾英國光也

光陰容易瞬已秋深碧空雁唳聲聲淒絕予乃得阿父噩耗一縷愛國之魂已往依天帝人語予謂阿父臨終時猶惓惓于愛女不置云予聞之心乃益悲

一日凌晨曉日匿彩長天作灰褐色雪飄飄如霏玉屑予以一絕暖之外衣密裹予身徘徊于小園之中神志惘惘胸臆中似空洞了無一物時祖父方跨馬赴村屋中亦至闕寂蓋冬令人皆深居簡出初無賓客戾止惟鄰人時或過從爾時予方往來予斗見一人躍馬入園門來及邇始能辨其面目則非相識之燕且類他國人其人翩翩年少着奧軍軍服至予前卽俯而詢予時予雖已過盈盈十五之年而嬌羞特甚聞客言雙頰立頰垂睫弗敢仰視似有物梗于喉不知所答

少選予神少定遽聞馬上郎道及阿父名謂有書屬遺其女予知個郎爲阿父所遣則立忘所羞導之入屋以見祖母

個郎操英語至流利如瀉瓶水祖母以淚眼向客把客手弗釋若見其愛子客亦溫婉可人意自言

爲○奧○國○羽○林○軍○軍○官○在○戰○地○救○護○傷○者○遂○得○遇○吾○阿○父○願○以○創○重○弗○能○救○須○臾○便○絕○客○語○不○多○而○其○一○言○一○語○一○舉○一○動○及○其○清○澈○之○語○聲○悉○鑄○余○腦○蒂○迄○于○今○未○忘○

客○先○出○阿○父○遺○書○繼○乃○以○其○遺○物○一○時○計○一○阿○母○之○小○影○阿○母○少○時○致○阿○父○之○情○書○一○束○及○余○兒○時○之○紀○念○物○數○事○一○一○置○余○掌○中○舉○其○明○澄○之○雙○眸○注○余○溫○而○莊○余○乃○知○阿○父○之○信○任○此○異○國○人○良○有○以○也○

客○別○時○祖○母○囑○彼○越○日○更○來○晤○吾○祖○父○客○唯○唯○跨○馬○去○明○日○又○來○與○祖○父○高○談○戰○事○意○氣○甚○豪○祖○父○見○其○爲○與○人○良○弗○悅○然○觀○彼○少○年○英○偉○英○氣○颯○爽○亦○初○無○忤○意○數○來○復○後○此○少○年○軍○官○乃○時○來○款○關○吾○寥○寂○之○老○屋○中○自○是○平○添○無○數○笑○聲○

客○居○于○村○中○一○老○逆○旅○中○相○去○殊○匪○遙○客○言○乃○母○半○爲○英○產○故○卡○立○司○爾○城○中○亦○有○親○故○且○老○父○去○世○遺○產○亦○富○客○每○來○吾○家○必○與○祖○父○述○戰○中○故○實○殊○得○祖○父○歡○祖○母○則○緘○其○邊○帶○側○耳○而○聽○頻○頻○點○首○弗○已○余○亦○弗○省○何○故○每○聞○客○言○輒○戀○戀○不○肯○他○適○整○頓○全○神○以○聽○之○未○嘗○放○過○一○字○

有○時○客○來○祖○父○不○在○家○祖○母○方○屏○當○家○事○則○余○必○出○而○迓○之○初○殊○覺○羞○澀○兩○頰○嫣○紅○如○被○朝○霞○既○則○洋○洋○似○平○時○蓋○余○不○復○以○客○視○客○直○目○之○爲○忘○年○交○逾○數○月○余○心○坎○上○已○有○個○郎○力○排○弗○去○一○日○爲○

期

七

第

殘春之晨。鶯已老而花已落。杜鵑聲聲苦催春去。余與個郎散步于花園之中。雲雀隱亂綠中。迎風
啁晰。曉日之光燦然。四照似含樂意。個郎執余雙手。以目注余。若以萬頃愛河之水。傾瀉而去。沃余
身。幾遍繼復柔聲與余語。謂曩日乍覩卿之玉容。便植情根。卿亦有意不余。脈脈含情。悄然無語。彷彿
自頂至踵。都寫滿一樂字。旋仰首以嚮。個郎個郎。遽俛而親余唇。至是余乃知此身已入情場矣。
余儕在園中。軟語娓娓。相俛于朝日光中。不知經幾許時。而祖父已來歸。余乃大恐。個郎似亦失其
常度。已乃以吾二人相愛事。白之祖父。祖父立怒。色暴變。命個郎出。且言厥後弗許再來。并弗許更
見余。面個郎快快行。以悲慘之目光。向余遙視。余弗能復忍。仆地而暈。及蘇。則方臥祖母室中。祖母
老眼含淚。注余面。且以溫言慰余。
數來復中。余朝思暮想。念念個郎。情淚乃無乾時。願不欲使祖父祖母見。每于悄無人處。低頭偷彈
寸心行碎矣。

個郎去後了無隻字報。吾余偶或背祖父。躍馬出遊。亦不見個郎蹤影。余大戚。欲見彼之心。亦日切
一日宵深。余猶不思睡。遂挑燈草一書。蠟箋與情淚齊封。以遺個郎。訴此數來復中。想思之苦。并囑
彼以覆書置園牆一端之一小罅中。俾不爲祖父覺。蓋此小罅爲青苔所翳。爲長春藤所蒙。絡他人

弗能見也。

翌日朝旭甫出。余卽衣乘馬衣。以信納胸。次乘馬疾馳而出。出信投入郵筒。乃緩緩歸去。途中苦念個郎。恐已離英。他適則吾是封眼淚。織成之書。直如投入大海。烏得入個郎手。夜中余轉側不能入睡。但盼天曉。厥後始沈沈睡去。則夢見園牆圯矣。

朝曦絲絲照余枕上。余始豁然而覺。起身至窗前。則見玫瑰帶露。蓓蕾欲放。似以笑靨向余。余悄然出室。徐徐入園。心躍躍然。隱約可聞其聲。欲前復却者。屢私念此去。而或失望。毋寧弗去。然既至園中。不去亦屬徒然。于是力自振作。至於園牆之外。斗見長春藤。蒙絡之小罅中。微露白紙一角。余大欣慰。立探手入取。而懷之胸。次剎那間。情愛與悲痛。歷歷自心頭而過。

余急歸室中。開絨細讀。覺柔情密意。流溢行間。似語語自心坎中。打出以情淚凝成。余迴環頷誦。不忍釋手。盪氣迴腸。弗能自己。誓以此身屬個郎矣。

一日天方破曉。宿鳥尙未起時。方秋中小山上。楓葉如火。齊艷勝春花。余潛自園中一小扉出。個郎已與二馭夫。以驛車相俟。擬同往蘇格蘭自由之鄉。自由結婚。俾不爲祖父梗。余爲彼故。亦不願曉行多露矣。

余○儕○久○別○重○逢○欣○喜○至○于○萬○狀○相○對○痴○立○者○久○之○余○乃○迴○波○一○視○此○十○八○寒○暑○俯○仰○流○連○之○花○園○織○手○方○爲○個○郎○所○把○亦○覺○微○微○顫○動○喉○際○爲○眼○淚○所○壅○塞○弗○能○作○聲○少○選○卽○相○將○入○車○郎○非○薄○倖○妾○原○多○情○今○日○何○日○余○竟○步○紅○拂○後○塵○矣○

個○郎○俛○余○而○坐○情○致○殊○纏○綿○斯○時○余○直○如○飛○身○入○雲○栩栩○欲○仙○前○途○之○危○險○與○否○一○不○之○省○個○郎○以○臂○圍○余○纖○腰○此○臂○似○化○爲○千○百○萬○縷○之○情○絲○繚○繞○余○身○雖○身○化○爲○骨○骨○化○爲○塵○亦○復○固○結○而○不○可○解○雙○眸○似○水○直○注○于○面○余○心○更○爲○之○躍○躍○

余○此○去○雖○將○爲○新○娘○而○爲○狀○雅○弗○類○冠○一○棕○色○剪○絨○之○軟○冠○衣○一○洋○紗○之○晨○衣○腰○際○則○束○一○淺○藍○色○之○絲○帶○似○此○草○草○乃○作○新○嫁○娘○去○實○屬○弗○稱○而○個○郎○則○力○褒○余○不○去○口○謂○卿○今○日○粲○粲○直○類○仙○子○彼○帝○王○家○之○公○主○見○之○必○且○自○慙○形○穢○余○聞○言○第○斜○度○秋○波○嫵○然○作○淺○笑○而○已○

車○行○久○之○忽○聞○後○有○犬○吠○聲○厥○聲○如○豹○余○一○聞○卽○知○爲○祖○父○所○畜○之○犬○殆○來○追○吾○二○人○余○卽○囑○個○郎○喚○馭○夫○趣○行○勿○爲○所○及○個○郎○遂○探○首○于○車○外○敦○促○弗○已○爾○時○吾○二○人○俱○惴○惴○誠○恐○祖○父○先○吾○着○鞭○而○至○蘇○格○蘭○則○婚○事○且○爲○所○梗○半○日○奔○波○仍○歸○泡○影○個○郎○面○失○色○促○馭○夫○策○馬○如○飛○而○前○居○頃○之○余○偶○一○回○首○則○見○後○有○人○跨○駿○馬○馳○電○掣○而○來○知○爲○追○吾○二○人○來○也○

車馳經澤地其疾如風以過疾車搖動甚幾欲反側墮吾二人于車外顧速率會不少減倏而過高街倏而過廣野余中懾不能作一語但流波注窗外則見兩旁樹屋籬落一一向後飛去既而馳至一轉角處車側甚去地殆不可以尺幾墮余心大躍直將躍至喉際車之行益疾而車後之追騎亦益疾方自一小山之巔飛馳而來余儕乃自十路易二十路易而增至一百路易許彼二馭夫俾力疾從事先祖父而達蘇格蘭境

卡立司爾城去蘇格蘭邊境可九英里許及東方日出被地作黃金色余儕已行七里許更馳二里吾車始至一格蘭脫那鐵肆前而止余與個郎盈盈自車中出肆主立出而迎余儕爲狀至樂余儕與之寥寥作數語余卽以一手執個郎手一手執一阿母貽余之小聖經香肩雙並于鍊肆主人前雖無冰綃霧縠以被體婚書指環以證盟而百年好合之禮成矣

及婚禮成余與個郎返身則見祖父方自馬上一躍而下兩眼中呈怒意注吾二人馬則吐白沫弗已余皇恐甚引目注地不敢仰視顧祖父初不以嚴辭相呵責但柔聲言曰汝兩小多情甚亦自不惡老夫曩年馳騁沙場追敵敵莫能脫不圖今日乃落汝曹後便宜汝曹矣

嗟夫余今捉筆草是篇屈指去彼結婚之辰已五十年矣昔者無肩不並今則形單影隻顧回首五

五十年前

十○年○前○此○身○仍○似○在○三○五○少○年○時○結○婚○後○甫○周○醉○個○絕○便○棄○余○而○去○埋○其○多○情○之○骨○于○小○禮○拜○堂○中○
大○好○鴛○鴦○遠○爾○分○飛○余○飲○淚○銜○哀○作○此○淒○涼○寡○鵠○者○蓋○垂○三○十○年○矣○今○雖○老○而○一○片○愛○個○郎○之○心○仍○
與○五○十○年○前○無○異○也○

四六



小偵情 香草美人 (續)

(小蝶)

格來齊與海娜既歸別墅。乃訪士希爾於後苑。此時驟雨初霽。叢林猶含濃潤。蒼翠四滴。月光自濕。雲中偷出半面。濛濛如烟。大似美人窺客於屏風之背。月光所照。則見士希爾方在柳陰之中。叉手而立。噤口作聲。仰面向月。一若不勝其愉快者。俄聞足音。蹙然乃回首覘之。則格來齊已偕海娜而來。乃大喜。向格來齊曰。阿姆誠難得。乃與吾妹俱來。此苑素爲阿姆所勿踐。今來將奚爲耶。格來齊曰。何爲耶。孺子試自思。果何爲哉。蓋來訊汝耳。言時聲色爲厲。士希爾初以爲戲。則以訕笑答之曰。媼言佳哉。然吾身初未背法。媼何權力。乃能訊我。言時吃吃笑不已。回眸以視海娜。此時格來齊出其嚴重之聲曰。咄。孺子胡狡賴。今且問汝。胡爲殺人。士希爾初不防格來齊。乃爲此語。繼知隱情已爲窺破。則亦大驚。顧一杪鐘中已復鎮定如常。卽曰。格來齊語。乃謂我殺人耶。格來齊汝慎之。苟非吾妹在者。汝今日必無倖。言時握拳透爪。目灼灼視格來齊。不巳。意蓋欲以箝其口耳。顧格來齊殊勿之懼。彼蓋深知海娜之前渠。絕不敢逞耳。卽曰。孺子毋詭言。汝試自視。汝靴跟之上。血迹猶斑斑也。言時繼以歎息。又曰。吾實爲孺子危。汝當知彼葛蘭司村人至獷悍。彼大會。非賺人血勿活。今汝乃殪其徒。遺矢於彼死者之喉。孺子豈忘箭桿之上。鏃有汝名也耶。然則汝又奚遁。嗟乎孺子。

吾恐不出三日。汝身且供葛蘭司人之大肺矣。言時欬嗽不止。一若深爲惋惜者。士希爾岸然曰。阿媽可毋爲我惜。當知此次果死者亦佳。蓋爲美人而死。爲味滋甘。格來齊大異。乃曰。咄哉。孺子乃有情婦。然則今日之爭。蓋爲妬殺。噫。孺子試爲我言之。情婦乃爲何人。媼成能爲孺子謀也。士希爾聞言。怒立。霽。卽曰。否。吾烏能有情婦。媼亦知今日之爭。蓋爲彼耳。言時以手指海娜。海娜怒極。紅潮直泛於頰。卽嬌叱曰。咄。兄其狂耶。何乃竟有是語。士希爾乃低首不語。此蓋士希爾常態。惟格來齊此時則思乘機。有以破士希爾之痴心。以息後來之妄念。乃昂首曰。孺子殺人。謂爲海娜之故。此言我殊不解。可趣言之。士希爾此時已爲海娜所叱伏。則亦復如前。乃嚶嚶曰。阿媽當知今日予所手殞之少年。實爲葛蘭司大會之子。彼來實具野心。乃欲挾阿父而得阿妹。爲偶。嗟乎。阿媽吾妹乃仙姝。耳彼愴乃生妄想。故吾殺之。格來齊不待其語畢。卽曰。止。吾已知若旨。汝謂若妹爲仙姝。固然。汝亦當反躬自思。汝果有福。能獲此仙姝否。且汝屢屢出言無狀。阿妹恨汝。蓋已次骨。以汝所言。實爲天下女子所勿能堪。而今日之行。尤爲大悖。汝絕不思汝殺彼會之子。彼乃不思報復耶。恐吾村之人。行且喋血。而汝實爲召禍之首。汝妹恨汝。亦且更深。則此後事。更不可爲矣。格來齊之爲此言。意欲藉此以斷其妄念。且戒彼殘忍之性。而孰知士希爾乃誤以爲海娜愛己。故格來齊以如許言詞。

以爲勸勉。乃默然無言。心頗奇樂。嗟乎。格來齊之言。殆有先見也。明日之日。而靈端果開。蓋羣騎既敗。狼竄而歸。以訴大會。大會曰。格拉氏。葛蘭司之獅也。聞言則大怒曰。咄彼訥也。特之狗。乃敢殺我獅兒。雖然。若儕鼠耳。汝當知臨陣而竄。乃爲至辱。飲血佳也。言時。目赤如煤炭。以睇視羣騎士。羣乃大恐。匍伏。勿敢少動。蓋格拉氏性至殘忍。日非殺人。勿歡。因知格拉氏怒。死期近矣。格拉氏叱曰。咄鼠子。胡爲作此態。吾生平未嘗願見匍伏之人。辱我甚矣。吾柵中母牛。聞之亦且愧汗。交下而况乎人羣。騎知勿免。設更俄延者。則且更死。慘於殺。則皆曰。至尊貴之大會。王令臣死。蓋至榮顯。臣等烏敢勿死。言已。乃爭起立。舞蹈頌大會威德。歌已。各以短矛自刺而死。格拉氏乃大悅曰。吾令爾儕安眠矣。言時。願其諸將及謀士曰。若儕聽之。天帝所命之王。神威至勿可及。以臨汝輩。能令爾輩樂亦能令爾輩哀。蓋至尊也。衆乃爭爲王頌。王悅。乃率將領進薄納也。特村堡軍勢有如潮湧。堡中人大驚。莫知禍所從來。爭集式本奇別墅。會議衆口嘈雜。各自爲計。有言戰者。有言守者。有言和者。厥狀乃如池塘之蛙。嘈嘈不復可辨。方騰沸間。忽有一英挺少年。歷塔而上。手握巨斧。長可七尺。光燦然如爛銀。既至塔上。卽柱其斧於地。以一手握之。厲聲曰。咄衆毋雜。雜試聽我。一言此語。既出。堂上立寂。視之。則士希爾也。矯然獨立。而爛銀之斧。與其面色。競白威凝。乃如周彼得大神。立於漂渺羣山。

之。上。周。彼。得。者。主。戰。之。神。也。衆。聲。既。寂。士。希。爾。乃。吐。其。清。亮。之。聲。曰。諸。父。老。聽。我。此。次。戰。端。實。自。我。開。蓋。彼。葛。蘭。司。村。中。之。雛。狗。竟。敢。挾。其。羣。鼠。入。我。界。中。故。吾。以。矢。殪。其。首。而。戮。其。五。奴。時。式。本。奇。方。俯。首。籌。戰。策。鬚。角。上。翹。額。間。皺。紋。起。疊。爲。波。聞。士。希。爾。言。卽。曰。勇。哉。吾。子。誠。獅。兒。也。彼。鼠。乃。覬。虎。穴。殺。之。宜。也。士。希。爾。乃。續。言。曰。茲。事。既。肇。自。我。則。卽。自。我。了。之。絕。不。願。我。父。老。與。聞。當。知。守。與。和。實。爲。莫。大。之。恥。辱。吾。訥。也。特。村。中。惡。可。有。此。餒。氣。之。言。言。時。復。高。其。聲。浪。言。曰。吾。村。人。有。願。從。征。者。趣。從。我。行。言。未。已。噪。聲。大。起。一。時。願。隨。行。者。且。數。百。人。士。希。爾。悅。舉。斧。引。衆。登。堡。指。昨。日。戰。處。以。示。羣。少。年。此。時。日。光。甫。上。遙。聞。角。聲。鳴。鳴。自。遠。而。近。衆。列。堡。上。待。之。遙。見。葛。蘭。司。戰。士。如。蜂。而。至。聲。勢。至。廣。士。希。爾。曰。衆。視。之。彼。軍。多。我。三。倍。矣。衆。有。怯。色。勇。氣。立。餒。士。希。爾。曰。兄。弟。彼。中。盡。葛。蘭。司。狗。彼。衆。我。寡。固。也。然。以。訥。也。特。之。獅。而。搏。葛。蘭。司。之。羣。狗。在。不。有。不。靡。若。儕。苟。有。所。怯。則。爲。時。尙。早。趣。歸。而。家。若。果。自。命。爲。男。子。者。則。隨。我。而。搏。此。狗。此。語。未。畢。衆。咸。告。奮。曰。吾。父。吾。儕。何。怯。死。同。積。生。同。貴。也。士。希。爾。曰。衆。誓。之。衆。曰。有。如。此。斧。士。希。爾。悅。分。其。半。守。城。已。則。領。壯。士。四。百。人。出。堡。直。趨。高。阜。以。此。處。得。形。勢。也。

(未完)

小○可○已○備○下○一○乘○馬○車○候○在○門○外○先○生○此○去○包○管○你○不○消○一○句○鐘○便○可○竣○事○博○士○此○時○不○由○的○楞○了○一○楞○那○兩○道○銳○利○的○目○光○注○射○在○那○堆○金○錢○上○愈○覺○炯○炯○有○神○復○又○迴○過○頭○去○把○目○光○移○注○在○時○鐘○上○點○頭○暗○忖○道○再○緩○一○句○鐘○去○和○心○坎○上○的○人○兒○相○會○也○不○算○遲○况○且○近○日○那○些○放○債○的○主○顧○兒○也○有○些○不○好○說○話○起○來○這○一○百○磅○金○錢○爲○數○雖○小○倒○也○可○以○救○濟○目○前○之○急○計○議○已○定○便○一○口○承○應○了○那○土○耳○其○人○和○他○同○去○接○着○又○問○道○尊○夫○人○得○的○是○什○麼○貴○恙○那○人○長○嘆○了○一○聲○慢○慢○的○答○道○說○來○真○是○個○大○大○的○不○幸○先○生○可○曾○聽○見○說○過○那○亞○爾○蒙○海○七○首○麼○博○士○把○頭○搖○了○一○搖○那○人○接○着○說○道○亞○爾○蒙○海○七○首○乃○是○東○方○一○個○極○古○的○兵○器○製○式○甚○是○奇○特○看○他○那○柄○兒○就○和○貴○邦○騎○馬○所○用○的○踏○鐘○仿○佛○小○可○本○以○販○賣○骨○董○爲○業○來○到○貴○邦○也○爲○着○要○做○些○買○賣○僑○居○倫○敦○已○是○一○載○有○餘○了○承○貴○邦○人○士○的○愛○顧○生○意○倒○還○不○惡○帶○來○的○貨○物○消○售○到○今○已○去○大○半○所○餘○却○無○幾○了○咳○咳○最○不○幸○的○便○是○那○亞○爾○蒙○海○七○首○也○在○賸○餘○之○列……那○人○絮○絮○叨○叨○說○上○了○一○大○篇○把○那○博○士○早○聽○得○不○耐○煩○起○來○便○冷○悄○悄○的○說○道○足○下○不○要○忘○却○我○還○有○他○約○呢○請○你○擇○要○而○言○罷○那○人○道○小○可○所○說○的○却○沒○有○半○句○費○詞○今○日○我○那○拙○荆○好○端○端○的○在○我○那○儲○藏○骨○董○的○室○內○坐○着○忽○地○發○了○舊○有○的○頭○眩○病○一○交○跌○了○下○去○把○那○嘴○唇○不○偏○不○倚○的○觸○在○那○亞○爾○蒙○海○七○首○的○霜○鋒○上○博○士○不○待○他○說○完○便○立○起○身○

來○好○似○即○要○動○身○的○樣○子○說○道○小○可○明○白○了○足○下○不○是○要○邀○我○去○裏○紮○尊○夫○人○的○創○口○麼○那○人○搖○首○道○不○幸○猶○不○止○此○博○士○愕○然○道○那○麼○足○下○的○意○思○要○怎○樣○呢○那○人○道○這○七○首○乃○是○會○經○毒○藥○製○過○的○博○士○詫○異○道○怎○麼○說○竟○是○毒○藥○製○過○的○麼○那○土○耳○其○人○道○是○呀○東○西○博○學○之○士○沒○得○一○個○識○得○出○他○什○麼○毒○劑○也○不○曉○得○該○用○怎○麼○解○救○的○方○法○小○可○自○幼○兒○便○救○着○先○人○做○那○骨○董○的○買○賣○那○些○染○毒○的○兵○器○從○手○裏○經○過○的○也○着○實○不○少○了○于○那○毒○藥○的○性○質○倒○也○略○知○一○二○祇○是○解○救○的○方○法○屢○試○不○得○博○士○道○那○受○病○人○的○狀○態○是○怎○麼○樣○呢○那○人○道○昏○迷○沈○睡○人○事○不○知○三○十○小○時○後○便○毫○無○希○望○了○博○士○想○了○一○想○忽○又○問○道○足○下○既○說○沒○有○解○隨○的○法○兒○却○爲○什○麼○又○要○枉○擲○這○注○金○錢○跑○來○邀○我○呢○那○人○道○小○可○說○的○是○藥○劑○無○靈○藥○劑○之○外○或○者○還○有○別○的○法○兒○博○士○道○這○却○是○什○麼○緣○故○那○人○道○這○毒○藥○雖○然○猛○烈○幸○而○藥○性○甚○緩○可○以○竟○日○留○在○傷○口○不○散○到○別○處○去○的○博○士○道○既○是○如○此○爲○什○麼○不○趕○快○去○用○消○毒○劑○把○那○傷○口○洗○滌○乾○淨○呢○那○人○連○呼○道○沒○用○沒○用○他○那○力○量○猛○擊○無○比○較○之○被○毒○蛇○所○噬○還○利○害○十○倍○區○區○洗○滌○休○想○撼○得○動○他○博○士○道○那○麼○索○性○把○這○傷○口○一○刀○割○去○倒○也○爽○快○那○人○歡○呼○道○照○啊○正○是○這○個○法○兒○小○時○候○常○聽○先○人○言○道○傷○在○指○則○去○指○傷○在○臂○則○去○臂○如○今○這○傷○口○也○不○在○指○也○不○在○臂○却○在○拙○荆○既○美○且○嫩○的○櫻○唇○上○先○生○試○替○我○想○想○這○一○刀○割○了○下○去○還○成○個○什○麼

樣子呢。博士的半生可算得都費在那刀光血影的裏面。感情的作用久已消歸烏有。聽見那土耳其骨董商人愛惜他妻子的脣兒，非但不表同情，反而笑他懦弱，把臉兒一沈，冷笑了一聲，道：「只是除了這解剖，再沒別的好法兒了。依我愚見，生命與容顏相較，究竟是生命爲重，容顏爲輕。嗚呼！那人長嘆一聲，哭喪着臉道：「先生的話確是不錯。小可遭着這稀奇禍，中心焦灼，五內如焚，一時沒了主意，還求先生原諒。則個只是要行那解剖也宜乘早。馬車已候在外邊，便請速駕一行罷。」博士打開一只抽屜，取出個小皮匣兒，內中藏着解剖所用的全副器具，復又檢了一捲綳帶，一個小玻璃瓶，納在衣袋裏面，披上一件外套，忙着說道：「我這裏都舒徐了，足下可要喝盞酒兒，禦禦外邊的寒氣。」那土耳其人忽然倒退了幾步，好似着了打擊的一般，連連揮手，呼道：「先生，你把小可的國籍都忘了。小可乃是虔奉摩哈默德的信徒。」隨又指着博士的衣袋道：「先生，你那綠色小玻璃瓶裏邊藏着的是什麼溶液？」博士漫然答道：「那就是施行手術所需的哥露芳。」土耳其人復呼道：「哦！這也使不得。他那裏頭含着酒醇，最干活神，禁忌的博士大聲道：「怎麼說？你可是要教尊夫人大白清醒的受那刀割的痛苦麼？」那人便又嘆息了一聲，沈痛言道：「可憐拙荆自受了那刀毒之後，便已神智昏迷。小可臨行的時候，又給他加上一劑斯米亞納的鴉片，此刻正在那裏昏睡着。」先生施行手術的時

候。便。是。不。用。那。麻。醉。劑。他。也。不。覺。得。痛。苦。了。時。已。不。早。我。們。就。此。走。罷。博。士。把。頭。一。點。說。了。聲。請。提。着。匣。兒。邁。步。往。外。走。去。剛。出。大。門。踏。入。那。昏。黑。黯。澹。的。街。中。忽。的。一。陣。尖。寒。風。雨。迎。面。撲。來。不。覺。打。了。個。寒。噤。連。呼。好。冷。那。一。旁。鵠。立。的。管。家。老。僕。伺。着。主。人。同。客。出。去。便。側。着。肩。兒。逆。着。風。兒。戰。索。索。的。把。門。推。上。自。管。進。去。不。提。

(未完)



說也可怪一個花枝招展性情俏健的伯爵夫人配的丈夫偏偏是個面目可憎喜靜而不喜動的厭物那伯爵生來薄唇巨準形容枯瘠眼簾下垂眸子無光年紀雖祇三十餘歲看上去却似五十年外的人了平日裏甚麼事都不管專在那些園藝上肆力在媽紅翠綠裏頭優游卒歲倒也頗得樂天的趣旨小時候就情歌樂也會中過那戲迷的熱狂居然賃租了一所小小劇院招致了一班男女俳優自己便也和在那邊粉墨登場起來道後來的伯爵夫人就是當時班中的梅琳姑娘彼此厮混了許久伯爵見這姑娘色藝都還不錯便決意把那世襲的爵號和萬貫的家財與他打個共和祇是那伯爵自和梅琳結縭之後便把性情忽然改變了從前酷嗜的是戲劇現在最惡的也是戲劇漫說是在大庭廣衆之中登場獻藝就是那戚友之間有什麼事故也要請他略展所懷作個小玩意兒也覺難若登天呢他只要一鋤一耒朝朝暮暮和那春蘭夏荷秋菊冬梅共生活便是無上快樂別的事兒一概都不管了

然而伯爵對於他那夫人的素行取怎麼個態度却是個狠有意味的疑問他還是寬懷放任故作痴聾呢抑是呆木天成毫無知覺呢這兩層意思當時倫敦人士都會替他着實的研究過一番研

究不出來便齊聲的把他嘲罵一番這痴漢死龜四字可就算是他們稱呼伯爵的代名詞咳咳列位說書的對於這般熱心過度的朋友却不敢贊同人家受了委屈不能代他鳴個不平反來打夥兒奚落他這是個怎麼存心哇閑話休說再講那伯爵夫人的名譽本已不佳自結識了陶斯東博士之後融聲愈益張揚好個任性的博士只知逞情縱慾那裏曉得什麼顧忌什麼避嫌把一個萬金難買的名聲弄得一天壞似一天後來有位醫界中的老前輩看不過了便去好言諷勸他說他若不及早回頭那些會長副會長的頭銜不免要被人家褫除淨盡了傍邊還有兩個熱心朋友也來隨着規勸求他顧些自己的前程不要執迷不悟豈知他剛愎性成非但不信他們的好言反倒直跳起來惡狠狠的把他們叱斥一番迴身出去費了五十枚金錢買了一頂花冠餽贈他的情人去了博士每天晚上診務既畢必至伯爵夫人處厮混夫人每日午後必乘着博士的馬車出來遊逛彼此公然往來儼同夫婦一般常言有道好事多磨那世間正當的情愛尙要遭老天之忌難道他們這不正的勾當反能支持永久麼列位不要着慌待小可喝口茶兒潤潤噪喉再和列位細細的講來

一年冬季裏的某夜天寒砭骨朔風陣陣細雨絲絲把一般紅男綠女都驅進屋子裏閉門下鍵

爐取燠頓教那燈光通明人馬喧闐的鬧市呈出一種蕭索淒涼的景象那時陶斯東博士晚餐方能獨處書齋靠近那紅光灼灼煖氣騰騰的壁爐坐定傍邊放着一張烏木雕花的小几几上還有一隻羅馬教皇皮亞士第一所御用的高脚玻璃杯子滿滿的盛着一杯芬香撲鼻的葡萄美酒這却是法王路易十四御酒庫中的珍藏品革命之際被那司庫人竊出來的博士舉起杯來呷了一口微微的噓了一口氣甚是滿意復拿杯子擊起向着燈光用那賞鑑家的眼光細細賞玩那琥珀似的酒色和那酒中珍珠似的細泡一旁的爐火熊熊映射在他修潔整齊的面龐上鬚眉畢現神采奕奕好似那羅馬古代所塑的神像他那眉梢眼角之間不時流出笑容頗有得意之色原來他於日間在王家醫院中曾冒着六個同儕的抗議施了一件極危險極困難的手術效果非常圓滿那六個反對的醫士只得低頭折服不再多言此時博士滿面得意之色却是爲此兀自呷了一會酒得了一會意看看壁上時鐘已是八時有半和伯爵夫人預約的時候已近便伸出手去正待按那壁上的電鈴喚人預備馬車忽聽得屋外一陣剝啄之聲接着又是一陣步履聲那室門便關的開了只見那年久服役的管家老僕恭恭敬敬的站在一旁說道主人待診室內有位生客候着要和主人相見博士道可是來就診的麼老僕道不是他說要請主人出去呢博士懶懶的答道時候

已不早了你去回報他就說我無暇不去了老僕猶豫了一會說道這裏有他的名片主人請看說着雙手呈上一個玲瓏精緻的金盤來這也是一位貴夫人餽贈他那賢主之物博士從那盤中取起一張名片看那上面印着的姓名藉貫口中念道哈蜜爾愛利斯米亞納人隨又對老僕道哦原來是個土耳其人老僕道正是小人看他神情似乎狠愛戚的樣子博士楞着眼睛躊躇了一會復又說道我正有約待踐即須出行偏有這麼的囉囂也罷他既來到這裏我也未便堅拒你去引他進來便了那老僕把手兒一攤腰兒一彎退了幾步領命而去過了一會領進一個人來博士定睛一看只見來客容儀猥蕪面貌不揚膚色薰黝鬚髮烏黑一手夾着個白地紅紋的頭巾一手提着個乳鹿皮的小荷包彎着背兒夾着肩兒延着頸兒擠着眼兒一步步蹣跚着走來博士微微的欠了欠身指着對面的椅子說道哈蜜爾君請坐足下可能操英語麼哈蜜爾道先生小可來自小亞細亞貴邦語言本非素習若是慢慢兒的倒還勉強說得上來博士點了點頭問道足下可是要遊我出去麼哈蜜爾忙應道正是小可此來正要求先生枉駕敝寓診視拙荆的病症博士道不巧小可今日已有預約難以從命實在對不住的狠那人也不回答只顧把那荷包上系口的索兒解開嘩啦啦倒出一大堆金錢在那小几上笑容可掬的對博士道這裏是一百磅金錢聊作酬報之資

歡郎不幸短命死矣。夢郎怡聲曰：萱姊勿泣。願姊視我如歡郎時，則隔牆忽有笑聲起。則夢郎之姊胎花嫋嫋而來矣。慧珠亦追隨其後，爭携阿萱手。慧珠睨萱而笑曰：淚瑩瑩好看煞人。胎花則撮手擬萱之腋口，作呵呵聲。於是阿萱乃破涕狂笑。夢郎舉其小手，躍躍亦欲試其姊，訶曰：汝安可者？歡郎者遺腹兒也。行年十二而夭，母乃子視阿萱，化以男子粧，驟視之，面首如玉，蓮花六郎當亦不過爾爾。而裙下雙弓，不令稍弛。常蹴小蠻靴，步步蓮花，步步嬌於分花拂柳時。窺之更饒媚嫋。一日春雨新霽，夢郎入舍後小園，見牆根月季著花兩三，嬌如人面。慧珠拈花一枝，就鼻試其香，否阿萱方柳腰輕折，交指甲爲剪，摘一含苞欲放之枝花，枝顛然葉上之雨點，錯落撲簌。夢郎忽失聲曰：萱姊翠袖溼不虞色褪耶？儂來爲姊摘之。然花已入阿萱手。慧珠欲以手中花易之，萱不可。慧珠笑把萱袖，欲奪之。萱大窘，急呼夢弟速解圍。夢郎滿口作呵呵聲曰：來矣。來矣。慧珠急釋萱而遁。萱則笑聲又縱，脚蹤兒誤蹴蒼苔，顛焉顛矣。笑乃驚而止。夢郎援之以手，乃亭亭玉立，遙見慧珠曼立遠視而微笑，且曰：萱妹妹勿驚夢弟。一語未終，珠顏微暈。夢郎一笑而去。而天真爛漫之阿萱亦隨人一笑而已。

（未完）



本雜誌第六期勘誤表

(續)

頁	行	字	誤
妖窟窟	第四十一版	第二行	見誤爲且
又	第四十二版	第十二行	縱誤爲縱
又	第四十三版	第三行	滿誤爲重
又	又	第九行	敢字下脫憑字
又	又	第十一行	裁誤爲裁
又	第四十四版	第四行	過誤爲道
又	又	第八行	席誤爲于
香草美人	第一版	第四行	特誤爲時
又	第二版	第二行	過誤爲過
又	又	第十一行	蹈誤爲蹟
又	又	第十二行	弗誤爲勿
又	第三版	第十一行	尤誤爲給
又	又	又	環誤爲環
又	第四版	第三行	編誤爲編
又	第五版	第二行	士誤爲士
又	又	第十二行	殺誤爲然
又	第六版	第二行	所誤爲爲
又	又	第六行	勿誤爲弗

勘誤表

又	又	又	又	又	又	又	又	又	又	又
第九行	第七版	又	第八版	又	又	又	又	又	又	又
第二字	第三行	又	第一行	又	又	又	又	又	又	又
每誤為何	第十六字	又	第七行	又	又	又	又	又	又	又
	其誤為通	又	第二十七八九字	又	又	又	又	又	又	又
	需誤為兩	又	第三十四字	又	又	又	又	又	又	又
	風黃葉誤為葉黃風	又	第六字	又	又	又	又	又	又	又
	李誤為陳	又	第十七字	又	又	又	又	又	又	又
	溫誤為過	又	第五字	又	又	又	又	又	又	又
	要字下脫一又字	又	第十五字	又	又	又	又	又	又	又
	批誤為址	又	第十一字	又	又	又	又	又	又	又
	未字下脫一到字	又	第五行	又	又	又	又	又	又	又
	他字誤為于他	又	第一字	又	又	又	又	又	又	又
	刀誤為力	又	第六行	又	又	又	又	又	又	又
	二誤為三	又	第七字	又	又	又	又	又	又	又
		又	勘誤表	又	又	又	又	又	又	又

小說情 蘇著些兒麻上來

(雙熱)

堂上晨昏閨中日月雙熱之家庭其樂陶陶焉有軒曰醉紅者阿儂雙宿處也軒外種千葉榴花數
株花時萬綠擁千紅而窗上琉璃軒中人面都暈然而紅牆角又有紅薔薇一架其花如霞粧美人
被酒低頭而笑薰風吹之花氣襲人恍聞蘭麝暮春三月牆頭櫻花又盛開與薔薇弄姿競媚花落
結含桃馨紅累累妬煞榴花予妻瑤卿時以小紅梯子徙倚短牆花時折花果時採果朱櫻甘而酸
石榴甘而澀而瑤卿與予皆嗜之分果不均每相攘焉阿母或見而笑曰櫻桃性熱豈可飽啖耶予
等唯唯母去而爭果如故某年櫻花時節風雨飄搖結實絕少嗜之者珍視如掌珠瑤卿得之不忍
遺食則以櫻唇輕裹之恰如著雨顰脂嬌紅欲滴予睨之而笑曰此一粒馨紅當有異味予將饒怡
紅公子之舌矣瑤卿色然慍曰君以儂爲何如人君願爲輕薄兒賈寶玉予不願爲……也予曰寶
哥哥乃情世界之奇人後世少年往往師事之他姑勿論卿獨不聞予友胡夢花之豔史乎瑤卿搖
其摻摻之手曰『逆耳逆耳』却於案頭取蘭娘哀史一冊指雙熱之影而示予曰『個郎目灼灼似
賊』既而秋歎曰君胡爲作此賺人眼淚之書也一之爲甚矣乃又買勇製孽冤鏡乎言次則指庭
前吉祥草合歡花曰言情之書當如是予曰如是予將以胡夢花之豔史筆之於書矣如是則卿所

所謂逆耳逆耳者其言詐也。瑤卿語塞媯然而笑。予乃伸紙含毫草夢郎。豔史每至旃旒膩人處。輒
朗朗向荆人而誦。荆人輒以指甲自掐其額。頻頻嗤予曰。虧汝不惶恐。

胡生夢花者。濁世佳公子也。家在江南紅豆村。渠渠夏屋鼎足而三。之胡氏宅。其中。央推旁屋以舍
盧氏若李氏三家者。殊雍雍未或與口戎焉。

夢郎之堂。樁首無恙。鴛鴦。雖老。伉儷不偷。方壯盛時。閨情尤曠。夢郎稟遺傳之性。其腦海心田。早播
愛情種子矣。孩提時。小手喜弄。閨闈粧飾品。與怡紅公子有同嗜焉。稍長。從父讀讀書。甚博。然僅識
得一情字。稍稍通字義。便竊阿母所藏書。開宗明義第一。正是悲金悼玉的紅樓夢。背人展玩。手不
忍釋。甚且袖而入塾。引爲書齋之良友。心乎此。目乎此。然善避人目。未嘗如陸郎之橘脫然而墜也。
夢郎爲書城之賊。避他人而不避其姊。姊曰。胎花長夢郎。七歲讀書。有年。能握管作書。習會計。記出
納焉。貌頗娟娟楚楚。見者嘖嘖稱好。姑夢郎之貌。如其姊。苟飾以巾幘。與胎花並立。儼然姊妹花也。
姊弟相處。殊友愛。夢郎竊書。胎花數見之。夢必款呼。幾聲好姊妹。姊求其勿洩於堂上。又時籠書就姊。
於無人處。質疑而索解。胎花輒愷曰。儂亦不知也。汝再饒舌者。儂將執以告……夢郎急曰。好姊妹
勿爾。

夢郎之母幼亦嘗稍稍受書其父以爲女子不必有才遂令輟學迨其于歸輒問字於夫婿而喜觀哀豔旖旎或離奇怪誕之書（著者曰凡稍稍識字之女子殆無不然者）厥後紅顏寢老忽變易其嗜好往往焚一爐好香向綠窗繡佛口喃喃誦多心經而所謂哀豔旖旎離奇怪誕之書則束於閣而藏之卽偶思量回味然以老眼生花觀書如墮五里霧中寧割愛而遠之也

一日夢郎之母悉出所藏書向日而曝焉他書咸無恙而石頭記第某卷不翼而飛矣時則曝書場上支木張蘆製之簾陳書滿其上望之若書肆鱗次而櫛比焉盧氏娃慧珠李氏兒歡郎徘徊愖跳其間蓋以爲奇觀也獨夢郎則微絳其頰退避三舍回首見其姊胎花情立母後向己點首微笑豎一指示之更以一手自弄其袖夢郎狀乃大窘俯首趨而遁無他一卷石頭記實牢籠於夢郎袖底而竹心虛矣其後乘人不備悄入曝書場急出袖中書廁於他書之間迨夕陽西下其父徐徐收拾叢書忽作驚喜狀而呼其老妻曰此非石頭記第某卷耶夢郎聞之耳又爲之生熱而於曝書之明日則又潛入藏書之室而行竊焉是歲也夢郎之年十

夢郎讀書有小友爲之伴李兒歡郎外尙有女友二一卽盧氏娃慧珠又其一則歡郎之姊阿萱也夢郎五齡卽受書慧珠已讀二年矣珠年長於夢郎三萱則少珠一歲歡郎恰與夢花同齒小兒女

聚讀一堂爲之師者正不必隔以絳帳。迨慧珠娉娉孌孌十三餘，則輟學入閨，鎮日共胎花學繡。而李娃阿萱殊津津味學，母欲專課以針黹，萱輒方命，急而至於泣，或負氣不食。母曰：癡兒豈欲坐老書城博不櫛進士之好頭銜乎？乃笑而縱之讀。夢郎之父以阿萱敏而好學，殊器之，且以勗夢郎曰：阿萱女子耳，乃志於學，汝而不然，且爲萱姊笑矣。由是夢郎時與阿萱作學戰，臨池學書，則以丹雘之多寡相競，而屬一對草一文大家，慘澹經營，爭勝殊力。爲之師者乃故揚萱而抑夢，萱未嘗驕，夢亦未嘗妬。一日兩人同時脫稿試，交易而筆之書，孰知主司不官閱文而詫曰：孺子欺我，後勿復爾。夢郎於攻學之餘，每從阿萱意携書一冊，信步所之，或花下或假山之畔，掩卷更迭背誦，以試誦習之熟否。有格格不能成誦者，則罰須臾，立展卷朗讀一二十遍。夢郎之父窺見之，則大喜不之擾也。而好花含笑，頑石點頭，亦若嘉許此小兒女之好學者然。

夢郎舍後闢一小園林，雜栽美麗之花，甘芳之果。夢郎時於暇時折花擷果，以炫阿萱，而爲學戰之懸賞品。夢郎戰屢北，著者曰：夢郎殆詐敗以媚阿萱也。阿萱榮其則花於頭而果於口，偶分果餌，夢郎夢郎性好潔，不食人唾餘，則受而投諸地。忽憶紅樓夢裏寶哥哥有口脂之嗜，則又拾而納於口。含英咀華，津津焉。阿萱忽曰：嗟乎，歎弟在時儂常分食食之，今……語未竟，泣然而涕。蓋萱之弟